

KUTOLLO YA JESU KRISTE

 Ke a go leboga, kudu, Ngwanešu Neville.

Le ka dula.

² Ke a dumela go kile gwa thwe, gore, “Ke thabetše ba go nthera ba re, ‘A re ye ntlong ya Morena.’”

³ Bjale, re maswabi gore ga re ne sekgoba, goba sekgoba sa bodulo, bakeng sa bohole ba ba lego gona, gomme mohlomongwe ba tla ata go kgabola beke ye e tlago, ya batho ba ba tlago, ba kweleko ka ga kopano.

⁴ Eupša lebaka la nako ye ya go ikgetha e be e le gore re tla . . . Godimo ga pelo ya ka Moya wo Mokgethwa o beile tshebotšo ye ya boikgafo, gore, “Kereke mo letšatšing le e swanetše go ba le Molaetša wo.” Gobane, ke a dumela gore ke Melaetša ye e itlhaošego kudu ya Beibele, gobane o utolla Kriste ka Kerekeng ya Gagwe mo nakong ye.

⁵ Gona, ga go yo a ka bago le tumelo goba go tseba se ba se dirago, goba moo ba yago, ntle le ge ba ne tsokwana, se sengwe go thea dikgopololo tša bona le tumelo ya bona godimo ga sona. Kagona, ge Lengwalo le utolotše Kriste go renā mo matšatšing a a mafelelo, le seemo sa nako, go tla re dira gabotse go—go O puruputša le go hwetša re mo kae.

⁶ Bjale, re—re maswabi gore kereke ya renā ga se ye kgolwane, letšatši le lengwe re holofela go ba le yona.

⁷ Gomme matšatši a a mane a go feta, kudukudu, go ithuta bakeng sa se godimo ga karolo ya histori ya—ya Puku ya Kutollo, ke hweditše dilo tše ke sa nkago ka tsoge ka nagana ka kgonthe di kile tša direga. Gomme ebile go tlišitše go nna ma—ma maikutlo gore, ka morago ga *Mabaka A Šupago A Kereke*, ke šetše ke a kgabotše, ke tla rata go ba le molokoloko wo mongwe wo bjalo wa go tliša godimo “ke—ke Kereke ya therešo le kereke ya maaka,” mmogo, gomme feela ka histori le Lengwalo. Boka nako ye nngwe ke lekile, go therō, go tše “Morara wa therešo le morara wa maaka,” e hwetšwago ka Beibeleng. Gomme re . . .

⁸ Re ya go leka go hwetša ditulo tše dingwe, ge ke sa nagana ka batho ba leka go dula. Gomme re ya go hwetša, go leka go hwetša, ditulo tše dingwe tše dintši, go leka go tlatša dikgoba morago fale, le ka ntle, le tše dingwe go dikologa, gore re kgone go dudiša batho ba bangwe ba se ba kae nakong ya ditirelo.

⁹ Bjale, go ye, ke tla kgopela yo mongwe le yo mongwe wa lena ba ka kgonthe le tshwenyegago ka dilo tše, le ka—le ka tlago nako ye nngwe le ye nngwe yeo re yago go—go O hlaloša. Gomme nka se se dire, goba a ke inaganne nnamong . . . [Ga go selo go theipi—Mor.] . . . go dira . . . [Ga go selo go theipi.] . . . Puku ye

kgolo ye ya Kutollo ya...[Ga go selo go theipi.]...Mabaka A Šupago A Kereke. Eupša ke itshamile ka go felela go Modimo, bakeng sa—bakeng sa go e utolla go nna feela ge ke etla go yona.

¹⁰ Histori ya tlhago, e lego ya...e tšerwego go borahistori ba ba itlhaotšego bao ke ba tsebago. Ke nago go letše ka kamoreng ya ka ya boithutelo, gonabjale, e ka ba ditshwayotshwayo tše tlhano goba tše tshela, *Two Babylons* ya Hislop, *Book of Martyrs ya Foxe*, le dipuku tše dingwe tše kgolo; boka Pre-Nicene Council, e ka ba dipuku tše nne ka ga seo, go e ka ba matlakala a makgolo a mane go puku ye nngwe le ye nngwe. Gomme fale Nicene Council, le histori yohle re ka kgonago. Gobane, ka morago ga ye, go tšwa theiping ya makenete, re ya go ngwala tshwayotshwayo go Mabaka a Šupago A Kereke, le go romela go lefase lohle, leo re ka kgonago, gobane re mo matšatšing a mafelelo. Re mo nakong ya mafelelo.

¹¹ Ga se nke gwa ke gwa ba pelong ya ka kudu bjalo go fihlela kge—kge kgetho ya mafelelo, gomme ke gona ke bonego moo re lego. Ka gona Moya wo Mokgethwa o thoma go nkutollela, go—go sebotša batho, le go bea le. Gomme nka se kgone go e dira ka go ke—ke kereke boka ye, go lekanela. Gomme gona ge nka dula fase le go no ngwala puku...ke ikwela gore ge ke hweditše phuluphithi, le tšušumetšo ya Moya wo Mokgethwa magareng ga Bakriste e tlie godimo ga ka, go nthuša, gona ke tla ba go lekanela kudu go ngwala puku gona, ka morago ga ge ke e tšere go tšwa theiping, gobane moo re tla hwetša tšušumetšo ya yona. Dipuku, ka nnete, di tla ba mohuta wa go otlollwa gannyane, gobane, ka fa, re Bea dilo ka fale re ka se di beego ka pukung. Gomme gona re... Gomme re tšea nako ye ntši go go ipušeletšeng renabeng, goba ke a dira. Gomme gona, ka pukung, yohle e tla otlollwa. Eupša re ya go leka go hwetša yohle, bontši ka mo re ka kgonago, go ditheipi.

¹² Bjale, ditheipi, bošego bjo bongwe le bjo bongwe, dingwalwa le go ya pele, bašemane ba tla ba le yona feela ka ntle ga moago fale.

¹³ Bjale, nka no se kgone bošego bjo bongwe le bjo bongwe, bjalo ka ge re tšere godimo ga renabeng go leka bakeng sa letago la Modimo, go—go tliša Melaetša ye e šupago ya kereke, goba Mabaka A Supago A Kereke, mo mašegong a šupago; go tšeeng bošego bjo bongwe le bjo bongwe, lebaka. Boka, bošegong bja Mošupologo, Baefeso; bošegong bja Labobedi, Simirina; bošegong bja Laboraro, Peregam; bošegong bja Labone, Thiatira; bošegong bja Labohlano, Sared; gomme bošegong bja Mokibelo, Filadelifia; gomme Lamorena mosong le Lamorena bošego, Laodikia, kereke ye re phelago ka go yona. Go feng histori ya kereke ya setlogo, le—le bangwadi le borahistori, le barongwa ba lebaka leo, le—le melaetša, le mokitimo wa kereke, ge e theogela tlase go kgabola nako ye.

¹⁴ Gomme go a makatša go bona ka fao kakanyopele ya Lengwalo leo e bethago ka go kgwahla le histori, feela tlwa, go kgopolo ya yona. Ebile go mmakaditše kudukudu, go fihla, maabane, ke badile go fihla ke ikwetše boka mahlo a ka a be a ruruga. Gomme ke tšwetše ntle gomme ke rile go mosadimogatša, “Ga sa nke ka tsoge ka lora ka yona go beng ka tsela yela.” Le a bona? E be e le ye kgolo bjang!

¹⁵ Gomme bjale, nako ye nngwe, nka no se kgone go e tliša yohle bošegong bjo botee, kereke, molaetša go kereke. Gomme ge ka se kgone go o fetša, ka bošego, gona mosong wa go latela ka iri ya lesome. Go tla tsebiša bošego bjo bongwe le bjo bongwe, go bale ba ba nyakago go tla le go theetša go ka moka ga ona, gobane re ya, go leka, go o tliša go theipi. Ke tla ba le ditirelo gona go tloga ka iri ya lesome, mo mosong, go fihla sekgalela, mo mosegareng, go leka go o tliša ntle, molaetša ka moka, gobane ba ka o swara go theipi. E sego . . .

¹⁶ Re tsebišitše gore go ka se be le ditirelo dife tša phodišo, gobane re leka go swarelala ka tlase ga polelo ya seprofeto ya Beibele. Gona, re bile le tirelo ya phodiso feela e se kgale fa. Gona ka morago ga ge ditirelo tše di fedile, gona re tla ba le ditirelo tša phodišo morago gape mo lefelong.

¹⁷ Eupša bjale ke—ke nyaka go dira se go hlaka ka kgonthe, gore yo mongwe le yo mongwe a kgone go elelwa, gore bjale, ka fa, go ka ripa le go goga, le go re fa bohole go šikinyega go gogolo. Eupša ke ne boikarabelo, e sego bakeng sa—bakeng sa selo eupša go rera Lentšu. Yeo, yeo ke yohle. Feela—feela go swarelala thwi go Lentšu. Gomme dinako tše dintši go ka, ka go mabaka a a kereke, go ka laetša go kereke ya leina ya yo mongwe. Gomme ge go ka dira seo, ga go re go ba ka bogale. Go—go no bolela se Lengwalo le se boletšego, le kutollo ye ke nago le yona ya Lona. Gomme ge o nagana gore ke phošo ka go yona, gona se e sware kgahlanong le nna, nno nthapelela gore Modimo o tla mpontšha se se lokilego, gobane ka kgonthe ke nyaka go loka.

¹⁸ Gomme gona selo se sengwe, go lemogeng gore boikarabelo bjo ke nago nabjo, ka—ka go kopano e bjalo ka ye, gore go ruteng batho, gore Moya wo Mokgethwa o tla mpea boikarabelo bakeng sa mantšu ao ke a bolelago mo phuluphithing ye. Kafao le bona ka fao re batamelago ye ka go felela. Bjale, ya rena . . .

¹⁹ Nkabe ke bile le ye ntle felotsoko gape. Eupša, go beng ke go ruta, gona ka go ya rena . . . Ntle ka ditirelong tša boebangedi, yo mongwe le yo mongwe wa rena o ne kgopolo goba—goba go hlatha, goba boka go bile go kgabola lebaka, gomme re ne dikereke tša rena beng, le se dikereke tša rena di re rutilego, le se re se dumelago. Rena . . . Ga ke rate go ya ka kerekeng ya yo mongwe, goba magareng ga batho ka mokgwa woo, le go bolela se sengwe seo se lego kgahlanong le se batho ba se rutilwego.

Gobane, ka kgonthe, ke lekile ka go hlaka go dira ditatamente tša ka gore . . .

²⁰ Ge motho a le Mokatoliki, gomme a itshamile go Kereke ya Katoliki bakeng sa phološo, o lahlegile. Ge a le Mobaptist, a itshamile go Kereke ya Baptist, o lahlegile. Goba Mopentecostal, a itshamile go Kereke ya Pentecostal go mo phološa, o lahlegile. Eupša . . . Kereke e ka ba efe! Eupša ge motho yoo a ithekgile ka go felelela godimo ga tumelo ka go mediro ye e fedišwego ya Kriste kua Khalibari, o phološitšwe, ga ke kgathale ke wa kereke efe. Gobane, “Le phološitšwe ka tumelo, gomme yeo ka mogau.”

²¹ Bjale, dinako tše dingwe, go direng se, gona ke tla nagana, ka moagong wa ka wo monnyane fa wo re o thomilego mengwaga ye mentsi ya go feta, feela ka mokgobo wa kgale wa poloko ya khonkhoriti le dilo, gomme ke mohuta wa lefelo le lekgethwa go rena. Re go hloile, re no hloya go o bona o fetotšwe, ka tsela e tee, gobane mo ke moo Modimo la pele a thomilego go kopana le rena, mola ebile re be re se na lebato go ona. Eupša o—o fihlile go lefelo bjale go fihla o a onala, gomme re ka go lenaneo la go aga—go aga fa, go tlatša poloko ye ka kereke fa.

²² Bjale, go fihlela nako yeo, ke ikwela gore ge ke boa morago go tšwa tšhemong, moo nka se gobatšego baena, goba, melaetša le go ya pele, gona go mpha tokelo go hlagiša kgopolو ya ka mong, go tšwa—go tšwa go wa ka . . . go tšwa phuluphithing fa. Gomme kafao ge o ka re, “Ke rutilwe go fapana gannyane,” ke tla . . . Gomme gona, ka go wo, re no mema yo mongwe le yo mongwe yoo a nyakago go tla. Le a bona? Ga go yo a e thekgago ka mašeleng, goba e ka ba eng. Ke tabarenenekele fa. Gomme e ka ba mang yoo a nyakago go tla, o no amogelega go tla. Nno tla pele thwi. Kafao ke le mema go tla le Beibele ya gago, kopanong ye nngwe le ye nngwe, le go tla le phensele le pampiri.

²³ Gomme bjale, le ka ditshwayotshwayo tšohle le go ya pele, ke be nka se kgone go be ke tlie le dipuku tšohle. Kafao ke no ngwala, ke ngwala fase, nako ye nngwe le ye nngwe, godimo ga pampiri fa, dinoutso tše nnyane go tša go histori le ditshwayotshwayo, le go ya pele, gore nke ke kgone go no e bala go tšwa go di—di dinoutso fa, bakeng sa go beng le puku le go phetla go kgabola maphephe. Go le bjalo, ge go etla go Lengwalo, re tla šomiša Beibele. Gomme gona ka go tshwayotshwayo, ke tla hlaloša; goba histori, ke mang rahistori yoo a e boletšego, le go ya pele. Morago ka go . . . Nnete, ka go tiragalo ya puku ye e tlago, gobaneng, gona re ka e tlanya gabotse morago, gomme re ka kgona go hwetša se sengwe le se sengwe se dirile gabotse.

²⁴ Bjale, re tla dira se sengwe le se sengwe re ka kgonago go thoma ka pela le go le ntšha ka pela ka fao go kgonegago. Go tla ba matšatši a seswai, dikopano, Lamorena go ya go Lamorena.

²⁵ Mosong wo ke thoma tema ya 1 ya Kutollo, ya Puku ya Kutollo. Gomme Kutollo e beilwe ka dikarolo tše tharo. Gomme

ditemana tše tharo tša mathomo ke se re tla bego re katana le sona mo matšatšing a a seswai. Mola, lebaka le tee la kereke le ka re tšeа kgwedi. Eupša re tla no betha mabalankwe, bjalo ka ge re e bitša. Morago ge le hwetša puku, e tla ngwalwa, ka tsenelelo kudu.

²⁶ Bjale, Kutollo, ditemana tše tharo tša mathomo, di šomana le Kereke, morago Kereke e a timelela. Ga re sa E bona go fihla nakong ya bofelo. Go tloga go Kutollo 1 go ya go 3, ke Kereke; Kutollo 4 go ya go 19, ke Israele, setšaba; gomme 19 go ya go 22, ke bobedi, mmogo. Gomme dikotlo le ditshebotšo, le go ya pele, mo bofelong! E beilwe go dikarolo tše tharo. Le a bona? Gomme re tšeа ditemana tše tharo tša mathomo, di amanago le Kereke, le lebaka la kereke re phelago ka go lona.

²⁷ Bjale, sa mathomo, go ka no bogega mohuta wa go oma gobane re swanetše go ya morago le go dira motheo. Ke rapetše le go bala, le go dira se sengwe le se sengwe ke kgognego, go leka go—go hwetša maikutlo a Moya wo Mokgethwa, ke tsela efe go bea wo, gore batho ba e bone, le gore le ke, go e boneng, le bonegetšwe le go le dira go tla kgauswana le Kriste, gobane re mo nakong ya bofelo.

²⁸ Gomme ke selo se se kgahlišago kudu, bjalo ka ge ke be ke ithuta dihistori, go hwetša ka fao kereke e thomilego, le ka fao e tšwilego, le se se diregilego, le go bona Peu yela ya Modimo ye nnyane e sepela go kgabola le lengwe le le lengwe la mabaka ale; go tšwelantle ka go felelela, go nyakile, ka lefelong le lettee.

²⁹ Bjale, gosasa bošego, re tla thoma, le go ba le—go ba le tšha—tšha tšhate fa; e sego tšhate, eupša letlapa, leo ke nyakago mokgwa wa go e ruta go tšwa letlapeng. Ke a dumela morutiši wa sekolo sa Lamorena, yo mongwe wa bona, o ne letlapa. Ke a le bona ka morago. Ke ya go kgopela mohlokemedi go le tliša, go le bea fa ka pele, gore ke kgone go ruta go tšwa letlapeng, le go e ngwala gore le be le kgonth. Gomme le ka e thala pampiring ye lena, le go ya pele, le go e tliša kgauswi ge re ka kgona go e tliša.

³⁰ Eupša ke no nyaka go bolela se pele re thoma: Go bona mathomong a lebaka la kereke, le go bona ka fao baapostola, dithuto, le dilo tšeо ba di rutilego, le dikokwane tše Beibe; gomme morago go bona kereke yela, e ka ba tikologo ya bobedi ya baapostola, ka fao e thomilego go fifala, ka kgonth, thuto ya therešo; tikologo ya boraro, go tloga kgolekgole; ka tikologong ya bone, e be e fifaletše ka go ya bo—bo bolelo, kereke e tšweleditše kereke ya bolelo.

³¹ Gomme morago Kereke ya go tlala Moya! E lego, ke bolela se ka tlhompho ya semodimo go bodumedi bja motho yo mongwe le yo mongwe. Go tloga mathomong, go fihla nakong ye, ya kgonth, Kereke ya therešo e bile Kereke ya sepentecostal. Ke therešo. Modimo o hlaotše Kereke ye.

³² Gomme ke fela ke makala, ge Jesu a dirile tshwayo, o rile, “Se boife, mohlape wo monnyane, ke thato ya Tate go go fa Mmušo.” Ke be ke fela ke makala se seo se sebego se se ra, eupša ke a se kwešiša bjale.

³³ Beke ya go feta re bile le kopano ka Shreveport, Louisiana, kopano ye kgolokgolo ya semoya nkilego ka ke ka ya go yona, bophelong bja ka. Shreveport!

³⁴ Ke bile...Ke bile le matšatši a maikhutšo a se mmalwa, gomme ke ile tlase ka Kentucky le Ngwanešu Wood fa, yo mongwe wa matikone a kereke, goba mohlokomephahlo, a ke re, go tsoma. Re ile ka sethokgweng.

³⁵ Ke thuntše sehlorana sa mathomo. Gomme ke rile, “Ke tla no leta,” gobane yo mongwe o kgabotše le dimpša. Gomme ke rile, “Ke tla no leta go fihla dihlorana di boa morago go tšwa meleteng. Di kitimela mehlareng, ka meleteng, gomme di utame bjale.” Ke rile, “Ge di tšwelantle...ke tla dula fa le go leta.” Gobane, ka kgonthe go a tonya le go ba le lehlwa, le ditsebe di eswa. Gomme, le a tseba, di—di diphefo tša maikemišetšo di etla go kgabolamekoti. Ke rile, “Ke tla no leta go fihla dihlorana di boa morago ntle.”

³⁶ Ga se ke dule fase kudu, go fihlela Moya wo Mokgethwa o rile, “Emeleta, gomme o rotogele go lefelo leo o le bitšago ‘mokoti wa radipapadi.’ Ke tla bolela le wena fao.”

³⁷ Gomme ke rotogetše go lefelo le leo ke le bitšago “mokoti wa radipapadi.” Gobane, lebaka le ke biditšege mekoti ye, nnamong, kafao ke tsebile moo ke bego ke le ntshe. “Mokoti wa radipapadi,” e bile ka gobane e bile le...Ke ile ka fale gomme ke bone dihlorana tše lesometshela di dutše mohlareng o tee; ke thuntše tekanyetšo, ke tlogetše tše dingwe tša tšona fale, gomme ka tloga. Gomme yeo ke papadi, selo go ka dira. Kafao gona ke le biditše, “mokoti wa radipapadi.”

³⁸ Gomme O rile go nna, “Lefelo leo o le bitšago ‘mokoti wa radipapadi.’” E sego gore O le biditše, eupša ke le biditše seo.

³⁹ Morago ke rotogetše go hlogo ya mokoti wola gomme ke dutše fase ka tlase ga mohlare wo mošweu wa moouko, gomme ke letile e ka ba seripa sa iri, gomme gwa se direge selo. Ke letše nnamong mo mobung, ke ikadile nnamong mo mobung, ke beetše diatla tša ka ntle. Nako yeo O boletše le nna.

⁴⁰ Gomme ge A dirile, Mantšu ao A a utolotšege go nna, go lona Lengwalo le leo re tlogo go lona mosong wo, ga se nke ka ke ka e bona pele, bophelong bjohle bja ka.

⁴¹ Gomme morago ge ke fihla Shreveport, Louisiana, mosadi yo e lego mosadi yo a filwego, leina la gagwe ke Mdi. Schrader...

⁴² Mengwaga ye mentši ya go feta, ge Morongwa wa Morena a kopane le nna tlase fa mo nokeng, lekga la mathomo, gomme a bonagetše ka go Seetša sela, le Mantšu ao A a boletšege

fale; mengwaga ye lesometee moragorago, ge ke sepeletše ka kopanong, mosadi yo monnyane yo o phagamile gomme o boletše ka maleme le go hlatholla. E be e le lentšu ka lentšu selo sa go swana Morongwa a se boletšego.

⁴³ Gomme mosadi wa go swana yo monnyane yo, ge ke sepeletše ka tabarenekeleng kua . . . goba lefelo ka Shreveport leo re bego re le ka go lona, Life Tabernacle, Moya wo Mokgethwa o sepetsē go mosadi gomme o boletsē lentšu ka lentšu se A se boletsēgo go nna godimo fale mo thabeng. Morago Moya wa thoma go sepela le go fa tlhathollo, go bolelelapele dilo ka kutollo, ka seprofeto, dilo tše di tlogo direga ka kopanong bosegong bjo bo latelago, gomme ga go nako e kilego ya šitwa.

⁴⁴ Pele ga fao, mosadi yo monnyane o eme ka kopanong, mosadi wa Mobaptist o tla godimo fale a sa tsebe se a ka go se dira. Gomme o be a eme ka magareng ga kopano gomme Moya wo Mokgethwa o wetše godimo ga gagwe, gomme o thomile go bolela ka maleme, mosadi wa Mobaptist go tšwa First Baptist Church ya Shreveport. Gomme nako yeo ga se a tsebe se a bego a se dirile. Gomme nako yeo, pele a ka bolela e ka ba eng, Moya wo Mokgethwa o fa tlhathollo, o rile, “GO RIALO MORENA, ‘Mo kgwedding tše tharo, go tla ba Moya wa Moshe, Eliya, le Kriste, o direla ka tabarenekeleng ye.’” Fao go diregile, ka phethagalo.

⁴⁵ Monna wa Mobaptist go tšwa Meridian, Mississippi, o thomile go bea seatla sa gagwe godimo ga setšidifatši sa gagwe, go ntšea se sengwe go tšwa setšidifatšing, gomme Moya wa Modimo o tlie godimo ga gagwe. Gomme o boletsē ka maleme, a sa tsebe se a bego a se dira. Gomme pele a hwetsa . . . a ka kgona go kwešiša se a bego a se dira, Moya wo Mokgethwa o boletsē morago gomme o rile, “Eya Shreveport, Louisiana. Mohlanka wa Ka o tla go botša o dire eng.”

⁴⁶ Gomme o tla fale, o rile, “Ga ke kwešiše se; ga sa nke sa ke sa direga pele.” Oo, nna!

Re phela mo matšatšing a mafelelo feela pele ga go Tla ga Morena.

⁴⁷ Kereke yela ye nnyane ka mehla e bile bonnyaneng, ya Pentecostal. Ga ke re kereke ya leina ya Mapentecostal. Ga ke re yona. Eupša, batho ka boitemogelo bja pentecostal! Pentecost ga se mokgatlo. Pentecost ke boitemogelo bjoo bo yago go e ka ba mang a ratago. Mokatoliki, Mojuda, Mosokologi, Mamethodist, Mabaptist, “Mang kapa mang a ratago, a nke a tle.” Ke boitemogelo bjoo motho ka motho . . . Modimo ga a dirišane le kereke ya leina, ebole ga A dirišane le Bantle bjalo ka mo—mo morafe goba batho. O dirišane le batho ka batho, “Mang kapa mang a ratago.” Anke a be yo mošweu, yo moso, yo moserolwana, yo motsoho; Momethodist, Mobaptist, Moprottestant, Mokatoliki, e ka ba eng a lego, “Anke a tle,” mang kapa mang. Ke a thakgala O e dirile ka tsela yeo. Nna . . .

⁴⁸ Boka moisa a kile a bolela, “Bokaone ke Mo kwe a bolela seo go phala go bitša leina la ka, ‘Anke William Branham a tle,’ gobane go ka no ba William Branham go feta o tee. Eupša ge A rile, ‘Mang kapa mang,’ ke a *tseba* yeo e ntšere.”

Kafao yeo ke tsela ye bohole re ka ikwago, “Mang kapa mang a ratago, anke a tle.”

⁴⁹ Bjale, ke a *tseba* go ne batho ba bantši ba letilego ntle fa ka dihoteleng le dimotheleng, ba ba tlago go tšwa go dikologa lefase. Le a bona? Go ne batho fa go tšwa Ireland le mafelong a go fapania, ba letile bakeng sa dipeelano. Eupša ga ke kgone go e swara gonabjale. Ke nyaka go fa nako ya ka go se, le a kwešiša.

⁵⁰ Ge ke boa morago go tšwa maetong a, ke fela ke etla morago go ba—go ba le yo mongwe go mo direla, gobane ba boloka dipeelano. Eupša gonabjale re swanetše go ba lokolla ka lebaka la Ye.

⁵¹ Bjale, feela selo se setee pele re thoma go Puku ye. Mo mathomong e be e le Kereke ya Pentecostal. Kereke yela ya Pentecostal e sepeletše ntle ka maatla a Moya gomme e ngwadile Puku ya Ditiro. Tikologo ya bobedi, e thomile go sesefala, kereke e thomile go ba fomale. Lebaka la bobedi la kereke, e be e le fomale ka kgonthe, eupša Peu yela ye nnyane ya Pentecostal e ile pele e etla, ya semoya. Morago e ile ka go lefelo la lebaka la leswiswi, la e ka ba mengwaga ye lekgolo le metšo, ya tlhomaro ya leswiswi. Lebaka lela le lennyane la Pentecostal le ile pele go kgabola seo. Ka fao e phonyokgilego, se mpotšišeng. E be e le seatla sa Modimo, selo se nnoši se se ka bego se kgonne go e dira.

⁵² Gobane, ba ba kokotetše fase, go dikota. Gomme ba tšere banna gomme ba ba phetholela godimo ga ko—ko kota, gomme ba tšere dipikiri tša kota gomme ba di kokotetše maotong a bona, gomme ba tlemolotše diphoofolo, dimpša, go ba ja go tloga ka morago, go goga mala a bona go tšwa go bona, pele ebile ba ehwa. Ba tšere basadi, ba ripa matswele a bona, ka mosego boka *wola*, letswele la bona la ka go la ja, gomme ba ema le go no lesa madi ale a no elelela ntle, go fihla bophelo bja bona bo tla tšwa go bona. Ba tšere masea go tšwa go bomme ba baimana gomme ba fepa dimpša le dikolobe, mola ba ba lebeletše. Go tseelwa go ba Bokriste; eupša Beibele e rile, le Jesu o rile, “Go tla direga gore ba tla le bolaya, ba nagana ba be ba direla Modimo tirelo.” Le a bona?

⁵³ Gomme bjale selo sela se khukhunetše fase go fihlela lebaka le lengwe. Ka gona mafelelong se tšwetše ntle. Ka gona re a lemoga ge kereke e eba ntle ka go kaonafatšo. E gogetšwe thoko le go gogelwa thoko, go tloga nakong yeo, le go ya kgole go tloga go Moya, ya ya kgole go tloga go Moya, thwi go tloga go fihlela lebaka le la mafelelo ge e le komana go ikgoboketša yonamong le go dira seswantšho sa sebata.

⁵⁴ Eupša Moya wola wo monnyane o tla phela ka dipelong tša batho go fihlela Jesu a etla. Go swanetše go ba. Naganang ka seo.

⁵⁵ Re tla e thala mo mebepeng, ra tšeа histori le se sengwe le se sengwe, gomme ra le bontšha gore go tlwa ka tsela yeo. Anke le tšeа histori, lenabeng, gomme le e bale. Le bone se Beibele e se boletšego, gomme morago se histori e se boletšego. Le bone ka fao e kopanago feela tlwa ka mokgwa woo. Oo!

⁵⁶ Anke bohole re se no tšeа se bjalo ka thutofahlošo, eupša anke rena ka go felelala, ka go felelala re tšeа ditshebotšo tša Moya wo Mokgethwa gomme re rapele, bošego le mosegare. Le se dumelele selo go le thibela go rapela.

⁵⁷ Re tsena ka gare, go tla epolla maphelo a banna bale ba bagolo morago ka fale, ka fao ba ineetšego. Le tla bona ka fao le dirilego bonnyane Go ntira ke lewe ke hlong nnamong nako tše dingwe, ka fao re swanetšego go ba le se sengwe le se sengwe bonolo bjalo, gomme ba bile le se sengwe le se sengwe thata kudu. “Ba nenera gohle,” Paulo o boletše ka go Bahebere 11, “ba apere matlalo a dinku le matlalo a dipudi, ba hlakišwa le go hlokofatšwa, ba le badiidi.” Bopaki bja rena bo tla ema eng go bapela le bja bona? Go tla ba bjang godimo go bapela le seo? Gomme re swanetše go ba le se sengwe le se sengwe gabose kudu.

⁵⁸ Bjale, feela go hlompha, pele re bula Puku, ke tla rata go rena bohole, ba re ka kgonago, go no ema bakeng sa motsotso bakeng sa thapelo. Bjale ka go hlokofala ga pelo ya gago, hema lentšu la thapelo bakeng sa go . . . Modimo.

⁵⁹ Morena Modimo, Mohlodi wa magodimo le lefase, Mohlami wa Bophelo bjo Bosafelego, le Mofi wa dimpho tšohle tše dibotse le go phethagala. Re a Go kgopela, Morena, sa pele, go re lebalela go diphapano tša rena tšohle, le dibe tša rena le dikarogo tša rena kgahlanong le Wena, le kgahlanong le seng sa rena le magagaborena.

⁶⁰ Anke nako ye nnyane ye ya go tla mmogo e se be feela bakeng sa go godiša disoulo tša rena beng, eupša anke e be go re bonegetša ka tsela e bjalo, le go re šušumetša, go fihla re tla ya go botša ba bangwe. Anke e be nako ya goineelagape, go kopana le Mmele wa go tlala wa Kriste le go beng komana bakeng sa Tlhatlogo.

⁶¹ Tate Modimo, e sego ka maikutlo a ka mong, go tsebeng gore mohlanka wa Gago, le bahlanka bohole ba bangwe, ga ra lekanelia bakeng sa mošomo wo mogolo wo. Go lemogeng ka fao banna ba bagolo, ba ba fetilego, ba tšere godimo ga dipelo tša bona go leka go utolla Ye, gomme go swayaswaya godimo ga Kutollo ye kgolo; gona re a lemoga gore rena re, bontši go feta ba le, go se lekanele. Eupša Wena o go lekanelia ga rena.

⁶² Gomme ke a rapela, Tate wa Legodimong, gore O tla dira se sengwe sa go ikgetha mo nakong ye, gore Moya wo Mokgethwa o tla ba le taolo ka delong ye nngwe le ye nngwe. Bolotša

dipounama tše di bolelago le ditsebe tše di kwago. Gomme ge ye e fedile, gomme re e gafela go Wena, anke re sepele go tloga ka tlase ga mojako wa ntlo ye, re re, “Go bile gabotse go ren a go ba fale. Moya wo Mokgethwa o boletše le ren a ge re be re dutše fale. Gomme bjale re ikemišeditše go dira tšohle re kgonago ge Dietša tša mantšiboa di sa phadima.” E fe, Morena.

⁶³ Anke, nakong ya kopano ye, go dire banna le basadi go tsea maswaro, ka boswa. Anke O tsoše baboledi ka maleme, mohlatholli wa maleme. Anke O tsoše dimpho tša seprofeto. Tsoša bareri, badiša, baebangedi, le go ya pele, gore Kereke e ke e godišwe. Tsoša baromiwa go ya ka tšhemong mošola le go tliša pele Ebangedi ye ya letago. E ka ba kae Lentšu le tla yago, anke Le wele mmung wa go nona, o tšweletše makgolo go menagana, gobane re dumela gore re mo bofelong bja lebaka. Mafelelo a kgauswi.

⁶⁴ Efa dilo tše, Tate. Gomme godimo ga dilo tšohle, Morena, mo nakong ye, Wena nthuše, yena wa go hloka. Gobane ke a e kgopela, ge ke ikgafela nnamong go Wena bakeng sa ditirelo tše, Leineng la Jesu Kriste. Amene.

[Kgaetšedi o bolela ka leleme le lengwe. Ngwanešu o fa tlhathollo—Mor.]

⁶⁵ Modimo yo maatla, Yo a tsošitšege Jesu go tšwa bahung, re thakgetše kudu go tseba gore Moya wa Gago o dula magareng ga ren a. Ka mehla O a rereša gomme ga go ke lentšu la go se rereše. Gomme bjale, Tate, tiišetša pejana Lentšu la Gago ge re bala, bakeng sa letago la Gago. Gomme anke pelo ye nngwe le ye nngwe, bjalo ka ge O boletše, “Itokišeng le go ba komana, gobane go tla tšwelela se sengwe.” Go ka ba batho ba amogela tshebotšo ya bona ya mafelelo go retologa go tloga dilong tše ba di dirago bjale, go ya tseleng ya go loka. Re a Go leboga, Modimo yo Mokgethwa, Leineng la Morwa wa Gago, Morena Jesu. Amene.

⁶⁶ Re phetla bjale go Puku ya Kutollo, tema ya 1. Bjale, sa pele, ke nyaka go bala ditemana tše tharo tša mathomo tša Kutollo.

Kutollo ya Jesu Kriste, ye Modimo a mo filego yona, go bontšha mohlanka wa gagwe dilo tše di swanetšege go tla go direga ka pela; gomme o di rometše le go di tsebiša ka morongwa wa gagwe go Johane mohlanka wa gagwe:

Yo a rwelego bohlatse bja lentšu la Modimo, le bja bopaki bja Jesu Kriste, le go tšohle . . . tša dilo tšohle tše a di bonego.

Wa lehlogenolo ke yo a balago, le bao ba kwago mantšu a seprofeto se, le go boloka dilo tše di ngwadilwego ka fa: ka gobane nako e batametše.

⁶⁷ Bjalo ka ge ke boletše peleng, bjale, ka go ye re ya go leka go fa tshekatsheko ye nnyane bjale ya Puku, go ya ka dihistori

le go ya pele. Gomme nako ye nngwe le ye nngwe ge le mpona ke bolela ka maphephe ao ke a ngwadilego fa, ke dilo tše ke di tšerego go tšwa go ditshwayotshwayo le go ya pele.

⁶⁸ Bjale, mongwadi wa Puku ye ke Johane, Mokgethwa Johane yo mokgethwa, a ngwaletše moloko wa ka moso (A). (B) E lebišitšwe go barongwa ba ba šupago ba dikgao tša go ikema tša lebaka la Bokriste, lebaka go tloga matšatšing a baapostola go ya go Tleng ga Morena. Gomme...bjale, mabaka a tšwelela ka go latelana, le lengwe le le lengwe, go tloga thotogelong ya Morena wa rena go ya go go Tleng ga Gagwe gape. Lebaka le lengwe le le lengwe la kereke le hlalošwa ka seemo sa lona sa semoya. (E) Lebaka le lengwe le le lengwe la kereke le ka kgona go ipona lonamong ka go bolelwa lona ka Lengwalo le semoya go bona. Ge Moya o bolela, lebaka le lengwe le le lengwe le ka kgona go ipona. Lebaka le lengwe le le lengwe le tšweleeditše Morara wa therešo wa Kriste, kgarebe ye Bohlale. Gomme lebaka le lengwe le le lengwe le tšweleeditše morara wo o hlomeseditšwego, kgarebe ya setlaela.

⁶⁹ Borahistori ba a dumelelana, bjo ke bophelo bja Johane. Johane o phetše mafelelo a bophelo bja gagwe ka toropongkgolo ya Efeso gomme o hwetše fao. O be a le sehlakahlakeng sa Patimo, mo nakong ge a ngwala Puku, Kutollo. E be e se kanegelo ya bophelo bja gagwe, eupša kanegelo ya Kriste mo mabakeng a ka moso. Le a bona? E be e le seprofeto. E sego bophelo bja Johane, e sego bophelo bja Kriste, eupša go profeta ka ga lebaka le le tlago. E be e se polelo ya gagwe ya seprofeto; eupša, dikhomotšo tša Morena, ka go felela. E be e se Kutollo ya Mokgethwa Johane yo mokgethwa, eupša Kutollo ya Kriste Morena.

⁷⁰ Ke Puku ya mafelelo ya Testamente ye Mpsha, efela e bolela mathomo le bofelo bja lebaka la Ebangedi. Go dirile baithuti ba Beibele ba dumelelana.

⁷¹ Mangwalo go mabaka a šupago a kereke a ngwadilwe, ka seprofeto, go mabaka a ka moso. Paulo o ngwadile ka ga bophelo le letago la dikereke tše šupago di bego di le gona letšatšing la gagwe. Johane o ngwadile ka bophelo le letago la dikereke tše supago ka moso, gore Johane o be a bolela le badiša ba ba šupago goba batseta bjalo ka Bakriste bohole thwi ka tlase ga barongwa ba go fapania ba ba šupago.

⁷² Bjale, Puku ya Kutollo, bjale re ya go tšea, ge re sekaseka ye mosong wo le mantšiboeng a. Gomme re tla leka go tšwa ka iri ya lesometee le seripa sa lesometee, se sengwe boka seo, gomme morago ra thoma gape bošegong bjo ka šupa.

⁷³ Bjale diteng tša temana ye ya 1. Temana ya 1, ka—ka kgonthe e a ipolelela Yonamong, gobane ke Kutollo ya Jesu Kriste. Temana ya 2, Mokgethwa Johane yo mokgethwa ke mongwadi le mohlanka. Temana ya 3, ditšhegofatšo di a kwalakwatšwa.

Ya 4 go kgabola temana ya 6, tumedišo go kereke. Temana ya 7, tsebišo. Temana ya 8, Bomodimo bja go phagama bja Jesu Kriste. Temana ya 9 go ya go ya 20, pono ya Patimo.

⁷⁴ Gomme, gape, ditemana tša 14 le 15 di hlaloša letago la Gagwe la go menagana ga šupa la Bomotho bja Gagwe. Oo, ke mo gobotse ge re bona Kriste ka bomotho bja Gagwe bja go menagana ga šupa bja ya ga-...go beng gwa go menagana ga šupa ga bomotho bja Gagwe, ka go tsogo ya Gagwe ya letago.

⁷⁵ Bjale, dithaetlele di hlaloša semelo.

Kutollo ya Jesu Kriste, . . .

⁷⁶ E sego kutollo ya Johane yo mokgethwa, eupša Kutollo ya Jesu Kriste, Morwa wa Modimo.

⁷⁷ Bjale, lentšu la Segerike bakeng sa *kutollo* ke *apocalypse*, go rago “go menolla.” Gomme ke be ke tsea lentšu lela gomme ke le puruputša. Le ra, *apocalypse*, ke go . . . Boka mmetli, o dirile sehlwasedutše se segolo, gomme o se khupeditše ka lešira. Gomme morago o a ya gomme o kgeila lešira le go utolla se se bego se le ka morago ga lešira. Ke go khuporolla.

⁷⁸ Gomme Puku ye ga se go khuporollwa ga, kudukudu, Bomotho bja Jesu Kriste. Efela, ka kgonthe go bolela ka Bomodimo bja Gagwe le bomotho bja Gagwe bja go menagana ga šupa, le gape ka ga dilo tše A lego, boka Moprista, Kgoši, le go ya pele. Eupša ke go utollwa ga ka moso ga mediro ya Gagwe ka go mabaka a šupago a kereke ya Gagwe yeo e tlago. Ke . . .

⁷⁹ Ge Morena wa rena a be a le lefaseng, barutiwa ba Mmotšišitše, gomme ba rile, “Morena, a ka nako ye o tla bušetša mmušo morago go Israele?”

⁸⁰ Gomme Jesu o rile, “Ga se go lena go tseba iri ye goba nako.” Gomme ga a gona a ka go tseba. O rile, “Ebile le Morwa,” go le bjalo, “o be a sa tsebe.”

⁸¹ Eupša ka morago ga lehu la Gagwe, poloko, le tsogo, le thotogelo ka Letagong, O amogetše go tšwa go Modimo bokamoso bja Kereke. Ka gona O boile morago, go tliša Molaetša wo go Kereke, gomme Molaetša wo wa go tla ga Gagwe le seemo sa dikereke tša Gagwe tlase go kgabola Lebaka.

⁸² Ga se A kgone go e dira pele ga lehu la Gagwe, poloko, le tsogo, gobane O be a se šo a e tseba. Eupša afa le lemogile ka fao Lengwalo le balegago fa?

Kutollo ya Jesu Kriste, ye Modimo a mo filego yona (Kriste), . . .

⁸³ Ka fao Modimo Tate a filego Kutollo go Morwa wa Gagwe Jesu Kriste. Gomme O rometše morongwa wa Gagwe go Johane, go bonagatša dilo tše di bego di le gona; di bego di le gona, di lego gona, gomme di tla ba gona. Oo, e beilwe ka bothakga!

⁸⁴ Bjale, ka go lebaka le legolo le le tlago leo Johane a le bonego! Bjale, tše, Kutollo ye ye e filwego go yena, ka go ikgetha, go apola morero wa go itlhaola wa Kriste, se A tla bago le go ba boka, ka go lebaka le lengwe le le lengwe. Ke lebaka leo ke boletšego, mosong wo, beang monagano wa lena go Kereke ya therešo. Kereke ya therešo e thomile ka Letšatšing la Pentecost.

⁸⁵ Ga go ne moithutamodimo, moithuti wa Beibele, goba rahistori, a ka tsogego a bolela gore e thomile matšatšing a Martin Luther, Wesley, lebaka la Katoliki, goba lebaka e ka ba lefe le lengwe. E thomile ka Pentecost. Yeo e bile tlhomamišo ya Kereke. Ao e bile mathomo. Kafao, kagona, ka go kahlaahlo le e ka ba mang, ema mo keiting yela ya Pentecost, gomme ga ba kgone go ya felo gape.

⁸⁶ Feela boka go Bea mmutla tšhemong. O tseba moo molute wo mongwe le wo mongwe o lego, kafao o ne ona o thibetšwe. O tla swanela go tla thwi go lefelo le la go swana le moo a tsenago ka go lona.

⁸⁷ Gabotse, yeo ke tsela, e ka ba mang a bolelago ka dikereke le mabaka a kereke, le mediro ya Moya wo Mokgethwa, o tla swanelwa go tla morago go setlogo, mathomong. Go swanetše go tla morago fale gobane Modimo o hloka magomo, gomme Ke makgonatšohle. Kagona, Yena go beng go hloka magomo, A ka se dire se sengwe *fa*, gomme a dira se sengwe kgahlanong le sona, godimo *fale*. O swanetše go dira nako ye nngwe le ye nngwe boka A e dirile lekga la mathomo.

⁸⁸ Boka Petro a boletše, mo letšatšing la . . . ge Bantle ba amogetše Moya wo Mokgethwa, o rile, “A re ka ganetša meetse, re bona gore ba amogetše Moya wo Mokgethwa boka re dirile mo mathomong?”

Jesu, ge A be a le lefaseng, o boletše gomme o rile, “Go . . .”

⁸⁹ Yo mongwe o tlide gomme o rile, “A go molaong go rena, go hlanogela basadibagatša ba rena bakeng sa taba e ka ba efe?”

⁹⁰ Jesu o rile, “Yo a dirilego tona, o dirile tshadi. Ka lebaka le monna o tla . . .”

O rile, “Eupša Moše o re dumelše lengwalo la tlhalo.”

Jesu o rile, “Go be go se bjalo go tloga mathomong.”

⁹¹ Boelang morago mathomong. Kagona, ge eba re ya go bolela ka lebaka la kereke, re swanetše go ya morago mathomong, go beela ka thoko setatamente se sengwe le se sengwe seo motho e ka ba ofe a se dirilego go theoga lebaka.

⁹² Ye ke Puku ya semmušo kudu ya Puku e ka ba efe ka go Beibele. Ye ke Puku e nnoši yeo Kriste a beilego setswalelo sa Gagwe godimo ga yona. E thoma ka tšhegofatšo gomme e fetša ka thogako. “Wa lehlogenolo ke yoo a balago.” Gomme, “Yo a rogakilwego ke yoo a tlošago e ka ba eng go tšwa go Yona.”

⁹³ Ke Puku e nnoši yeo Kriste a e ngwadilego, Yenamong, ya Beibele ka moka. Melao ye Lesome, O e ngwadile ka monwana wa Gagwe. Yeo ke nnete. Bajuda ba swareletše go woo. Gomme, lehono, ke ku—ku Kutollo.

⁹⁴ Gomme ge eba Sathane o hloile Puku e ka ba efe ka Beibeleng, ke Kutollo. Go ne tše pedi... O hloile Lengwalo lohle, gomme ke kgobokanyo ka moka ya Lengwalo. Eupša, ge eba e ka ba eng, a e hloilego go fetiša, ke Kutollo le Genesi. Gobane, Genesi e bolela mathomo. Kutollo e utolla se se yago go diragala go yena mo letšatšing la mafelelo. O ya go tlengwa mengwaga ye sekete; morago yena, le moprefeta wa maaka, le sebata, o ya go lahlelwa, a phela, ka go Letsha la Mollo.

⁹⁵ Gomme o tla hlasela Puku ya Genesi godimo ga yona—yona go beng ya nepagalo. O tla bolela, gore, “Ga se ya nepagala.” Gomme o tla hudua menagano ya batho. Šetša fao diabolo a lego, Puku yela ya Genesi goba Puku ya Kutollo, ya pele le ya mafelelo.

⁹⁶ Gomme Puku ya Kutollo e ne diswantšho tše dintši ka go yona go feta Dipuku tšohle ka moka ka Beibeleng. E na le diswantšho tše dintši gobane ke Puku ya seprofeto. Ke Puku ya seprofeto. Kagona e swanetše go kwešišwa ke legoro la seprofeto. Puku ye ga se ya mang le mang. Ga a gona a ka go e kwešiša, le gannyane. Puku ye e diretšwe legoro le itšego la batho. Godimo ka go Doiteronomio, E re, “Dilo tše di fihlilwego ke tša mo—mo—mo Morena.” Yeo ke nnete. Gomme O di utolla go rena, bana ba Gagwe, dilo tše di fihlilwego. Kafao ga e sepele...

⁹⁷ Monagano wa nama ga o kgone go hlaologanya tšona dilo tše dikgolo tša Lengwalo, gobane ke bošilo go bona. Eupša go bona ba e lego barati ba Lentšu la Modimo, ke ba Puku ye e ngwaletšwego, go Kereke. Kutollo ya Jesu Kriste, “Go kereke ya Efeso, go kereke ya Simirina, go kereke, go dikereke,” go theoga. Kutollo ya Jesu Kriste go Kereke. Ke rata seo.

⁹⁸ Gomme hlokamelang, gape ke mafetšo a Mangwalo, mafetšo a go felela. Gomme e beilwe ka lefelo lefelong la maleba, mo bofelong bja Beibele. Kutollo ya selo ka moka e beilwe morago fale ka tšhegofatšo go ba ba E balago le go E kwa, ka thogako go bona bao ba tla oketšago goba go tloša. Ke kgobokanyo ye e feletšego, oo, gomangkanna. Ga se gona se ka go oketšwa go Yona. Gomme ge motho a leka go tloša e ka ba eng go Yona, goba go oketša e ka ba eng go Yona, Modimo o rile O tla tloša karolo ya go swana go tšwa Pukung ya Bophelo. Le a bona? O tla tloša karolo ya gagwe go tšwa Pukung, ge a okeditše go Yona.

⁹⁹ Kagona, ge re bona Kutollo ya go menagana gantši ya Morena wa rena, yo A lego, se A lego, ge motho e ka ba ofe a ka oketša se sengwe go Yona goba go tloša e ka ba eng go Yona, ke seprofeto sa maaka. Ba bantši ba lekile go bolela gore ba bile le se sengwe thari go feta Yeo. Eupša Yeo ke Kutollo ya go felela

ya Morena Jesu ka go lebaka la kereke ya Gagwe le ka go Letšatši la Gagwe, Kutollo ya Morena wa rena.

¹⁰⁰ Bjale—bjale, *go apola*, lentšu la Segerike, se sengwe se be se fihlilwe, go utol- . . . “go utolla” Kriste.

Bjale, temana ya go latela, re hwetša, ka go temana ya 2.

¹⁰¹ Temana ya 1 e utolla Kriste, Kutollo, goba go khurumolla. Oo! Ka fao lebaka la mafelelo le go Tla ga Morena go bilego go se khu- . . . go khupeditšwego, go baapostola! Ba botšišitše potšišo, eupša ke yo motee feela a phetšego go ba le Kutollo. Gomme go le bjalo, ga se a e kwešiša, gobane histori e be e sešo ya dirwa.

¹⁰² Bjale, histori ya Puku ye, goba bo—bo bokamorago bja Puku ye, bo lebišitšwe go dikereke tše šupago ka Asia Minor, tseo di bego di le gona nako yeo. E be e lebišitšwe go dikereke tšela tše šupago. Go be go ne dikereke tše dintši go feta tšela tše šupago, mo letšatšing leo. Eupša ye nngwe le ye nngwe ya dikereke tšela e be e le bohlokwa, e le bohlokwa mabapi le semelo ka go kereke yeo, seo se tlago e latela go theoga lebaka, semelo sa kereke yeo. Boka Efeso, e bile le semelo. Simirina, Peregrino, le go theoga, Filadelifia, ye nngwe le ye nngwe ya dikereke tšela e bile le semelo ka gare ga yona, seo se tla bonalago gape mo mabakeng a a tlago. Oh! Ge le ka no kgona . . .

¹⁰³ Motho e ka ba ofe a ka kgonago go bona ti—ti tirišo ya semoya ya Mangwalo gomme a kgona go bolela gore a be a se a šušumetšwa? Yona tiro ya gago, ona maikemišetšo, ona maikaelelo a batho, gobaneng, go netefatša gore Lengwalo le šušumeditšwe, go bona ka fao Modimo a dirišago dilo tšela. Feel a se o se dirago, *fa*, ke sekai sa se sengwe.

¹⁰⁴ Boka Abraham a neela ka Isaka, morwa wa gagwe a nnoši; sekai sa Modimo a efa Morwa wa Gagwe, mengwaga ye makgolo morago. Ka fao Josefa a rekišitšwego le ka kgolegong, a hloilwe ke banababo gomme a ratwa ke tatagwe; Jesu, ka sekai. Ka fao Moya šomilego ka Josefa, monna, gomme ga bonolo go swantšitše bophelo bja Kriste, ka phethagalo. Ka fao, Dafida, Morwa wa Dafida o dutše godimo ga thaba ya go swana. Ge Dafida a gannwe bjalo ka kgoši gomme a rotogetše godimo ga thaba, Thaba ya Mehlware, a lebeletše morago, a lla, bjalo ka kgoši ye e gannwego; mengwaga e se mekae e lekgolo ka morago ga seo, Morwa wa Dafida o nametše thaba ya go swana, bjalo ka Kgoši ye e gannwego, gomme o lletše Jerusalema. Moya ka sekai le sebopego. Oo!

¹⁰⁵ Gona a o kgona go bona Kereke ye kgolo ya pentecostal mo letšatšing la mafelelo? A o kgona go bona ka fao Modimo a e hlomamišitšego ka Letšatši la Pentecost? Moya wola o swanetše go dula ka Kerekeng go kgabola mabaka ohle.

¹⁰⁶ Ba bile fomale le go fapano. Ba ile ba swanelo go ba le kereke ya leina. Ba ile ba swanelo go kopanya kereke le mmušo mmogo, gomme mafelelong ba e dirile gomme ba hlotše mengwaga

ye makgolo ya tlhomaro. Morago, Mpshafatšo, ba tšwetšentle. Gomme ngwaga wo mongwe le wo mongwe, ba be ba kgaola go tšwa go Moya gomme ba oketša go ya tlhago, go tšwa go Moya gomme ba oketša go ya tlhago, go fihlela bjale ba no ba komana go e dira gape. Re phela ka go tše tša mafelelo, diiri tša go tswalela, mafelelo a kereke. Re ka go Filadelifia . . . goba Lebaka la Kereke la Laodikia.

¹⁰⁷ Bjale, temana ya 1, temana ya 1, e tsebišitšwe go—go Johane. Bjale, mongwadi ke mang? Johane. Johane. E be e se kutollo ya Johane, gomme re a tseba gore e be e se yona, gobane e be e le Kutollo ya Morena Jesu Kriste. O be a le se, o be a le morutiwa yo a hlaotšwego. Gomme Puku Yonamong e utolla selo se e bego e le, Jesu Kriste, go yo A bego a mo utolla.

¹⁰⁸ Gomme e rometšwe go . . . “Gomme a tsebiša se ka morongwa wa gagwe go Johane.” Ga re tsebe morongwa o be a le mang. Beibele ga e bolele morongwa o be a le mang. Eupša re a tseba gore e be e le moperfeta, gobane Beibele moragorago e boletše, gore, “Nna Jesu ke romile morongwa wa ka go paka dilo tše tše di swanetšego go direga e se kgale.”

¹⁰⁹ Gona re hwetša gore ge Johane a thoma go rapela morongwa, morongwa o rile, “Bona gore o se e dire.” Kutollo 22, ke a dumela ke yona. Gomme o rile, “Gobane ke yo mongwe wa bahlanka ba geno le wa baprofeta.” E ka no ba e bile Eliya. E ka no ba e bile yo mongwe wa baprofeta. Johane o be a le moapostola. Eupša moperfeta yo o ronngwe.

¹¹⁰ Gomme Johane, a le moapostola, lebelelang tlhago ya ka moka mangwalo a gagwe, go netefatša gore e be e se Johane a e ngwadilego, gobane ga e ne tlhago boka Johane. Tšeang Johane wa Pele, Johane wa Bobedi, le go ya pele, gomme le e bale. Gomme lebelelang tlhago ya ao, morago le lebelele tlhago ya le. Johane o be a le mongwadi le moapostola, eupša wo ke moyo wa moperfeta. Ke motho wa go fapano, gohlegohle. Le a bona? E be e se mongwalo wa Johane. E be e se kutollo ya Johane. E be e le Kutollo ya Modimo ya Jesu Kriste go dikereke. Gomme e bile le . . . Johane o be a no ba mongwadi, mongwadi, le—le Puku e kwagatša sa go swana.

¹¹¹ Bjale, e be e se ya ngwalelwgo go Johane. E be e ngwaletšwe go Kereke. Go lokile. Johane, nakong yeo, o be a le modiša wa kereke ya Efeso. Gomme bjale Puku e ngwalelwgo go Johane . . . goba go kereke, e sego Johane.

¹¹² Bjale temana ya 3, O kwalakwatša tšhegofatšo. Theetsang ye.

*Wa lehlogenolo ke yo a balago, le bao ba kwago mantšu
a seprofeto se, le go boloka dilo tše di ngwadilwego ka
fa: ka gobane nako e batametše.*

¹¹³ Ke nako efe e batametšego? Nako ye dilo tše di diregago, ge Kutollo ye ya Jesu Kriste e feditšwe ka go lebaka le lengwe le le lengwe la kereke.

¹¹⁴ Bjale ke ka baka le A e ngwadilego ka mokgwa wo. Ge nkabe a ile a re, “Gabotse, bjale O . . .” Ba be ba Mo lebeletše go; ge e ka be e utolotšwe, ge nkabe A . . . e ka be e utolletše Johane, gore O be a eya go tla ka pela ge dikereke tsela di feditšwe. Ke ka tsela yeo Johane a e nagannego. Eupša e be e le, tšona dikereke, ka pela ge di feditšwe, ba tla . . . Ge a ka be a tsebile, ge e ka be e utolotšwe go yena go be go eya go ba le mabaka a šupago a matelele a kereke, mengwaga ye mentši e sekete, goba mengwaga ye mentši ye dikete, gona go be go ka se be le lebaka la go leta. Ba be ba tla no fetša go phela lebaka la kereke la bona.

¹¹⁵ Kagona, Modimo o e boletše, gomme e be e se ya utollwa go bona. Ga se go utollwe go Martin Luther, dilo tšeо John Wesley a di tsebilego ka ga Lengwalo. Ga se go utollwe go Mabaptist, se Mapentecostal ba se tsebilego ka ga Lengwalo, gobane ke ka go lebaka la go fapania. Ke nako ya go fapania. Gomme Modimo O utolla dilo tša Gagwe feela mo sehengl. Oo!

¹¹⁶ O ka se bjale lehea nakong ya seruthwana gomme wa le buna nakong ya go swana. O bjala peu gomme e golela go butšweng. Modimo o bjala Lentšu la Gagwe gomme morago Le gola thwi. Gomme morago re lebelela morago gomme ra re, “Šelete Le be le le.” Gobaneng, kgonthe, re a Le bona ka morago ga ge Le utollotšwe.

¹¹⁷ Bjale, “Wa lehlogonolo,” Lentšu, kwalakwatšo ya tšhegofatšo, go temana ya 3, “go bona bao ba balago goba ba kwago diphiri tša yona.”

¹¹⁸ Go dira . . . monagano wa nama o a šikologa, gobane monagano wa nama ga o tsebe selo ka yona. Ga go makatše monagano wa nama ga o e tsebe, gobane ke Sathane ka go monagano wola wa nama. Gomme Sathane o senotšwe, gomme Sathane ga a nyake yenamong a senolwa.

¹¹⁹ Le lemoga ka fao go šiišago go Sathane ge a nagana o ya go senolwa? Šetšang ka go ye nngwe ya ditirelo. Šetšang tiro ya batho. Lena šetšang, ka kopanong. Feel a pele Sathane a eya go senolwa, go motho yo rilego, le tla bona sefahlego sa bona se fetoga. Le tla bona, ga ba tsebe ba nagane eng. Gateetee, Moya wo Mokgethwa o theogela tlase le go senola diabolo yola. Oo! O hloile mohuta woo wa kopano. Ke ka lebaka leo re tla bago le ntwa ye bjalo, gobane Lentšu la Modimo le senola diabolo. Le a bona? Le bolela se a lego.

¹²⁰ Boka le re, “Mosadi yo a dutšego fa,” ka tlase ga tšhušumetšo ya Moya wo Mokgethwa, le re, “leina la gagwe ke Moh Jones. O tšwa Bokaekayana.” Seo se dira eng? Se kuka moya wa gagwe, se o tliša lefelong.

¹²¹ “O ntseba bjang? Monna yola ga a ntsebe, kafao e swanetše go ba moyo tsoko. Ke mohuta ofe wa moyo o lego?”

“Ke Moya wa Modimo.”

“Bjang? Bothata ke eng ka nna?”

¹²² “O na le bolwetši bja mafahla, kankere,” e ka ba eng e lego, “eupša GO RIALO MORENA . . .”

“Oo!” Oo, ka fao Sathane a hloilego leo, gobane Le a mo senola.

¹²³ Bjale, monagano wa nama o a lebelela, o re, “Go bala monagano, go bala ka kgopololo.” Ga ba tsebe. Ke bošilo go bona.

¹²⁴ Eupša go bale ba ba tsebago se Le lego, oo, a tšhegofatšo! Ke eng? Kutollo. Kutollo ya mang? Ya monna mo phuluphithing? Ya Jesu Kriste ka go lebaka le la mafelelo la kereke, a ikutolla Yenamong boka A tshepišitše O tla dira. Le a bona?

¹²⁵ Ke kutollo, le a bona, gomme Sathane o hloile seo. Nna, ka fao a e hloilego! O senotšwe, e senola leano la gagwe. Sathane o hloile Kutollo le Genesi, ke ngwadile fa. Seo ke therešo tlwa.

¹²⁶ Bjale, gobaneng a hloile kutollo? Gobaneng a le kgahlanong le kutollo bjalo? Ke ka gobane gore kgoboketšo ka moka ya Lentšu la Modimo le Kereke ya Modimo e agilwe ka go felela godimo ga kutollo.

¹²⁷ E ka se tsoge ya ba ka se—se sekolo, ga go tshwenyege ke diseminare tše kaone ke dintši gakaakang re nago le tšona. Ba moragorago ka go lebaka la go fifatšwa. Beibele le Kereke ke kutollo ka phethagalo.

¹²⁸ Anke re phetleng. Ke ne Mangwalo a mangwe a ngwadilwe fa, Mateo, te—te tema ya 16 gomme temana ya 18. A re nong go tšea gannyane—gannyane go Mateo 16:18, re bone moo Lengwalo le lego, moo go lego kutollo. Go theogela fase go tloga thabeng, temana ya 17.

Gomme Jesu o fetotše a re go yena, o wa Lehlogenolo wena, Simone morwa wa Jona: gobane nama le madi ga tša utolla se go wena, eupša Tate wa ka yo a lego legodimong.

Gomme Ke re . . . go wena, . . . wena o Petro, gomme godimo ga leswika le Ke tla aga kereke ya ka; gomme dikgoro tša bodulabahu di ka se fenyé kgahlanong le yona.

¹²⁹ Bjale, kereke ya Katoliki e re, “O e agile godimo ga Petro.” Gabotse, seo, seo ka kgonthe ke go nagana ga senama. Le ka se kgone go eleletša monagano wa semoya o hlaologanya selo se sebjalo bjalo ka seo; bjalo ka Modimo, le Morwa wa Gagwe Mong a eme fale, gomme efela a tla aga Kereke ya Gagwe godimo ga wa mehleng, wa tlwaelo, motho wa go tswalwa ka sebe. Monna o e netefaditše. Yena, ka moyo wa go swana godimo ga gagwe, o

rogakile Jesu gomme o Mo ganne thwi selebaneng sa Gagwe. E be e se Petro.

¹³⁰ Goba, ebile e be e se le—le leswika leo le bego le letše fale, bjalo ka ge dikereke tše dingwe di tteleima go be go le. E be e se leswika. Gobane, Petro . . .

¹³¹ Leswika le A bego a bolela ka lona fale, e be e se Petro, ebile e be e se Yenamong.

¹³² Bjale, bontši bja batho ba Protestant ba leka go re, “E be e le Jesu. E be e le Yena yoo A agago Kereke godimo ga gagwe. Yena!” Aowa, seo se sa fošagetše. Ge le ka hlokomela, e be e se Jesu, ebile e be e se Petro. E be e le kutollo.

. . . *nama le madi ga tša utolla se go wena, eupša Tate wa ka yo a lego legodimong o dirile kutollo ye.*

¹³³ Lebelelang. Ke nyaka go le botšiša. Ka serapeng sa Edene, go be go se Lengwalo le le ngwadilwego. Gomme morago bašemane ba babedi, Kaine le Abele, gomme bobedi ba nyakile go dira sehlabelo le go hwetša kgaogelo go Modimo. Ge ba dirile bjalo, Kaine o a tla gomme o agile aletara; Abele o agile aletara. Gabotse, ge seo e le sohle Modimo a se nyakago, Modimo o tla ba go hloka toka go sola Kaine. Go lokile. Morago Kaine o dirile sehlabelo; Abele o dirile bjalo. Bobedi bja bona ba dirile sehlabelo. Kaine o rapetše, le Abele o dirile bjalo. Kaine o dirile se sengwe le se sengwe seo Abele a se dirilego.

¹³⁴ Kafao ge go ya kerekeng, o le wa kerekeng, o dira dihlabelo, o rapela, le go rapela Modimo, ke sohle Modimo a se nyakago, gona Modimo o tla ba go hloka toka go sola Kaine bakeng sa go dira tlwa se A rilego se dirwe.

¹³⁵ Eupša, le a bona, Abele, ka kutollo, o tsebile gore e be e se kenywa ye e ba ntšhitšego serapeng sa Edene, bjalo ka ge menagano ye mentši ya nama e nagana lehono. Abele o a tla le go neela kenywa ya naga, gomme Modimo o e ganne, eupša go be go utollotšwe . . . ke ra, Kaine o dirile, ntshwareleng. Kaine o neetše kenywa ya naga gobane o naganne seo ke se se ba ntšhitšego serapeng sa Edene. Šetšang kutollo yela. Šetšang go se dumelane le yona. Šetšang ka fao e gobatšago lehono. Eupša e be e se kenywa yeo e ba ntšheditšego ntle. Efa ga sa nke a ja diapola. Ka nnete. O kgonne go lemoga bjang o a ponoka, ge eba go ja apola? Go sepelelana le bophelo bja thobalano. Go be go swanetše!

¹³⁶ Bjale, re tšea seo bjalo ka go ithuta, gomme re a dira, re tsena morago go yona. Ga ba ne Lengwalo le letee.

¹³⁷ Ba bangwe ba bona ba re, “Gabotse, o rile, ‘Ke hweditše morwa go tšwa go Morena.’” Ee, mohlomphegi. Le mmalegogwana o dirile bjalo. Modimo o swanetše go dira bophelo bjhole.

¹³⁸ Eupša ke bophelo bjo bo fapogilego. Lebelang tlhago ya mošemane yola. O be a le wa papagwe, diabolo; lehloyo, bojato, mmolai. Le a bona?

¹³⁹ Gomme gona ka fao, Abele, ge ba... batswadi ba gagwe ka kgonagalo ba mmoditše gore—gore mehlare e bile le kenywa go yona, le go ya pele. Eupša, e utolletšwe Abele. Abele o ile le go tliša kwana, bakeng sa madi, go tšea bophelo. E sego kenywa ya mohlare, go tliša diapola le dipanana le dipšere. “Eupša Abele, ka kutollo ya semoya,” Bahebere 11, “o neetše go Modimo sehlabelo se sekaone go fetiša. Modimo a paka ka sona, gobane go be go utollotšwe go yena ka tumelo.”

¹⁴⁰ Moo ke mo Modimo a agilego Kereke ya Gagwe. “Gobane nama le madi ga se tša tsoge tša utolla se go wena.” Ga se nke wa E rutwa ka seminaring. Yo mongwe ga se nke a go ruta Yona felotsoko. “Eupša Tate wa ka yo a lego legodimong o E utollotše go wena.” Fao, selo ka moka se go kutollo, Kereke ka moka, “Godimo ga leswika le la Kutollo ya Jesu Kriste, Ke tla aga kereke ya ka.”

¹⁴¹ Le ka no tšea se modiša a se boleLAGO. Le ka no tšea se seminari e se rutago. Le ka no tšea se kereke e se boleLAGO. Gomme ga se sa nepagala, go le bjalo. Le ka no be le kgonago e hlaloša ka makgethe. Eupša go fihlela Modimo a e utollotše go lena gore Jesu Kriste ke Morwa wa Gagwe, gomme o phološitšwe ka Madi a Gagwe; godimo ga kutollo yeo, gore, “Yena ke Mophološi wa ka.”

¹⁴² “Godimo ga leswika le Ke tla aga Kereke ya Ka, gomme dikgoro tša hele di ka se fenye kgahlanong le yona.”

¹⁴³ Kafao gona le a bona gobaneng Sathane a le kgahlanong le Puku ya Kutollo bjalo. Eng kapa eng yeo e utolotšwego, kutollo ya semoya, Sathane o kgahlanong le yona. Ke ka lebaka leo a lego kgahlanong le bodiredi bjalo lehono. Gobane, ke eng? Kutollo ya Kriste.

¹⁴⁴ Anke kereke e ye pele ka dikereke tša yona tša maina tše kgolo le mekgatlo, le melaetša ya yona e mennyaney ya go kgabišwa le go ya pele. Anke ba ye pele, Sathane a ka se tshwenye yeo. Ga ba ne mathata. Yo mongwe le yo mongwe o ba phaphatha mokokotlong.

¹⁴⁵ Ge go etla naka yeo Modimo, ka Moya wo Mokgethwa, a utollago Kriste morago ka Kerekeng, ka maatla le diponagatšo tša go fodiša balwetši, le go dira maswao ao A boletšego a tla latela badumedi, a phethagala, gona Sathane o a pitikana bolaong bja gagwe. O dira se sengwe ka yona. Go fihlela nako yeo, Sathane ga a kgathale ke bontši gakaakang bja kereke le bo tšoenago. Ga a kgathale ke bontši gakaakang. Eupša ge Kriste a utolla go lena gore Yena ke Morwa wa Modimo, gomme mediro yeo A e dirilego le a e dira le lena; e sego mediro tsoko ye mengwe, eupša mediro ya go swana.

¹⁴⁶ “Yo a ntumelago . . .” Mokgethwa Johane 14:7. “Yoo a ntumelago, mediro yeo Ke e dirago le yena o tla e dira. Go dira mediro ya go swana, gomme bogolo go feta wo.” Gobane, Kriste ga se a kgone go rera kolobetšo ya Moya wo Mokgethwa, go tla ba bogolwane. Ga se a kgone go e tliša go bona, gobane Moya wo Mokgethwa o be o sešo wa fiwa. Eupša ge Jesu a tlide gomme a neetše ka Bophelo bja Gagwe, gomme Moya wo Mokgethwa o boile, gona ba kgonne go fetetša Bophelo bjo Bosafelego go batho. Yeo ke “bogolwane.”

¹⁴⁷ Eupša maswao le matete, Jesu o boletše pepeneneng, ka go Mareka 16, “Eyang lena ka lefaseng ka moka, gomme le rere ebangedi go sebopša se sengwe le se sengwe.” Bokgole bofe? Lefase lohle. Ba bakae? Sebopša se sengwe le se sengwe. Ge feela Ebangedi e rerwa, maswao a a tla latela bona bao ba dumelago. Gomme ge yeo e eba kutollo, ngwanešu, o kgauswi le Mmušo gona. “Godimo ga leswika le Ke tla aga Kereke ya Ka, gomme dikgoro tša hele di ka se fenyé kgahlanong le yona.”

¹⁴⁸ Gobane, monna goba mosadi yoo a kilego a ba ka morago ga leganata lela a nnoši, boka Moshe a bile, gomme kutollo ya Modimo a dirilwe go bonagatšwa go yena ka Moya wo Mokgethwa, ga go selo se ka go mo šikinya. O no ba go kwagala le go kgwahla bjalo ka ge a ka ba.

Sathane o hloile Kutollo. Ga a e rate, le gannyane; e senya maano la gagwe.

¹⁴⁹ Tlhago ya Puku e bontšha gore Johane ga se a e ngwala. Yeo ke nnnete. Gobane bona ba—bona ba bakeng sa ye nngwe . . . Bona ke mongwalo wa gagwe, eupša e sego tšhušumetšo ya gagwe. Ke tšhušumetšo ya Modimo ye e ngwalago Puku. Go lokile.

¹⁵⁰ A re boneng se e se bolelagos bjale.

*Wa lehlogenolo ke yo a balago, le bao ba kwago . . .
seprofeto se, le go boloka dilo tše di ngwadilwego ka
fao: ka gobane nako e batametše.*

¹⁵¹ Bjale, “Nako e batametše.” Eng? Ge Kutollo ye e feletšego ya Jesu Kriste e dirilwe go tsebjia go dikereke tša Gagwe. Gomme ge mabaka a feta, e no utollwa go bona.

¹⁵² Bjale re thwi tlase mo bofelong bja nako, kafao bjale ka kgonthre re bofelong bja lefase. Re mo pheletšong ya histori ya lefase. Gomme pele beke ye e fela, gomme Modimo a ne rena, a re thuša, re tla netefatša gore re mo pheletšong ya mabaka a kereke. Re ka go ya Filadel- . . . goba Lebaka la Kereke ya Laodikia, pheletšong ya mabaka ohle. Re mo pheletšong ya lefase la dipolitiki. Re mo pheletšong ya—ya lefase la tlhago. Re mo pheletšong ya dilo tšohle. Re mo bofelong bja selo se sengwe le se sengwe sa tlhago, re komana go tsena ka gare.

¹⁵³ Ke etla letšatši le lengwe, ke a dumela ke be ke eya Shreveport, goba ke etla felotsoko. Ke lebeletše. Ke rile,

“Mehlare e a hwa. Bjang bo a hwa. Matšoba a a hwa. Ke a hwa. Lefase le a hwa. Se sengwe le se sengwe se a hwa. Se sengwe le se sengwe ka lefaseng le se a hwa.” Re dutše fa mosong wo, re ehwa.

¹⁵⁴ Ka nnete go ne lefase felotsoko, moo se sengwe le se sengwe se sa hwego. Ge go na le le letee moo se sengwe le se sengwe se hwago, go swanetše go ba le letee moo se sengwe le se sengwe se phelago. Ke seo re se hlologetšego, go fihla lefelong moo go nago... mehlare e emego e sa hwe. OO, moo se sengwe le se sengwe se sa hwego gomme se ema ka—ka letagong la Modimo.

¹⁵⁵ Bjale, bjale, ditemana tše tharo tša mathomo re bile le tšona bjale, go beeng bokamorago. Ya 1, “Kutollo ya Jesu Kriste.” Ya 2, “E filwe Johane ke morongwa.” Gomme ya 3, ke, “Wa lehlogenolo, ditšegofatšo go bona bao ba balago, gomme,” ge o sa kgone go bale, “wa lehlogenolo ke yoo a kwago.” Ga o kgone go bala? O no E kwa. Ke phetho. “Wa lehlogenolo ke yoo a balago, gomme,” ge o sa kgone go bala, “wa lehlogenolo ke yoo a kwago, gobane nako e batametše.”

¹⁵⁶ Bjale, eleletša se kgoboketšo ya se e se rago, ke gore, Johane, mongwadi fa, go e ngwaleng, o be... Yo ke Johane fa, o no bolela “mahlogenolo” le go ya pele. Bjale, se ke naganago se be se le, ka go Testamente ya Kgale, moprista o emeletše mo mosong gomme o badile Mangwalo. Phuthego e theeditše. Ba bantši ga se ba kgone go bala. Kafao o rile, “Wa lehlogenolo ke yoo a balago, le yoo a kwago.” Le a bona? Mmadi le mokwi; yoo a balago, le go kwa, o šegofetše. Kafao ge o no dula le go e theetša, o šegofetše. “Wa lehlogenolo ke yoo a balago, le yoo a kwago, gobane nako e batametše.”

¹⁵⁷ Bjale, go tloga go 4 go ya go 6 ke tumedišo go Kereke. Bjale re nyaka go tsea go ye ya 4 le ya 6.

¹⁵⁸ Bjale, pele re e ratha, ke nyaka yo mongwe le yo mongwe go leka go nagana thata bjale. Ke eng Yona bjale? Ke kutollo ya Jesu Kriste, moo Modimo a tlošitšego lešira la nako. Nako še, yeo Jesu a sa kgonago go bona ge A be a le fa mo lefaseng, mabaka a kereke, se se tla diregago. Kafao, Modimo o tlošitše lešira kgole, o le gogetše morago, gomme o dumelitše Johane go lebelela ka gare le go bona se lebaka le lengwe le le lengwe la kereke le bego le yo se dira, gomme o se ngwadile ka pukung le go se romela go dikereke tše šupago.

¹⁵⁹ Ke eng? Kriste a utolotšwe mo matšatšing a tiro ya Gagwe—ya Gagwe. E tletše ka tiro, Puku e a dira. Gomme ke pu—pu Puku ya seprofeto yeo Kriste a e filego, Modimo o re file ka morongwa wa Gagwe, e ngwadilwe ke Johane. Gomme tšegofatšo go yo mongwe le yo mongwe yoo a E balago goba a E kwago, gobane—gobane nako e batametše ge ye yohle e phethagaditšwe.

¹⁶⁰ Re na le tikologo e botse bjale. Gomme elelwang, re beile Kereke monaganong. Godimo ka lehlakoreng le letee, Kereke e

thomile; godimo ka go lehlakore le lengwe, kereke e a fela. Bontši ka go yona, Mošupologo bošego, ge re ratha mabaka a kereke.

Johane go dikereke tše šupago tše di lego Asia: Mogau o be go lena, le khutšo, go tšwa go yena a lego, . . . a bilego, gomme a tla tlago; le go tšwa go Meboya ye šupago ye e lego pele ga terone.

¹⁶¹ Bjale re tsena ka dikarolong tša sephiri le go teba tša diswantšho. E ngwaletšwe dikereke tše šupago tše di lego ka Asia Minor. Di bile—le di bile le . . . Ma—mabaka, nakong yeo, a be a tlo ba ka moso. gomme o ba godištše le—le go ba reta bakeng sa modiro wa bona le se ba se dirilego. Eupša, bjale, e ngwaletšwe go tšona dikereke, dikereke tše šupago tše di lego ka Asia Minor.

¹⁶² Bjale, Asia Minor e be e se Asia yohle, kontinente ya Asia. E be e no ba karolo ye nnyane. Ba a tleleima, lefelo go nyakile go ba bogolo bja naga ya Pennsylvania, le a bona, goba se sengwe boka seo, goba Indiana; feela lefelo le lennyane moo dikereke tše tše šupago di dutšego. Go be go le bontši go feta tšona dikereke mo nakong. Gomme, eupša, e utolotše semelo sa tšona. Bjale ke bala fa se ke se hweditšego go tšwa go baleng ga ka ga histori ya sona.

¹⁶³ “Gomme yena ke . . . Morogakwa ke yoo a kwago gomme, goba, gomme a se E theetše.”

¹⁶⁴ Gomme—gomme bjale, e theogela tlase ka go nako ya temana ye ya 4 ye re nyakago go hlaloša se sengwe fa. “Go tšwa go Yena yo a bilego, gomme a lego gona, gomme a tla tlago, gomme o ne Meboya ye šupago; go tšwa go Meboya ye šupago ye e lego pele ga terone ya Gagwe.” Bjale, “Meboya,” re tla tla go yona moragorago.

¹⁶⁵ Bjale, fa e a hlagiša, ge le ka lemoga ka—ka fa. Gape ka go temana ya 7, goba temana ya 8, O tla gape gomme o boletše, gape o hlagištše. Bjale šetšang. Dikereke tše šupago di ngwaletšwe. “Go tšwa go Yena yo a lego, yo a bilego, gomme yo a tla tlago. Yo a bilego, nako ye nngwe; o gona bjale; gomme yo a tla tlago.” Bjale, O hlagištše fa go menagana gararo ga Gagwe, ponagalo ya go menega gararo ya Gagwe ya modiro wa Gagwe.

¹⁶⁶ Bjale ge le ka tšea temana ya 8. Re tla tla go yona, feela mo motsotsong. Re tla tšea temana ya 8.

Ke nna Alefa le Omega, mathomo le bofelo, go rialo Morena, a lego, . . . a bilego, gomme a tla tlago, Ramaatlakamoka.

¹⁶⁷ Bjale re swere temana ya 4 le ya 6 mo ponagalang, bobedi bja tšona di a swana. E tee, O re, “Go Yena yo a bilego, a lego, yo a tla tlago.” Ke eng A lekago go e bea pele ga Kereke? Bomodimo bja Gagwe. Lehono, batho ba leka go Mo dira mo—mo moprofeta. Yena o bontši go feta moprofeta. Gomme ba bangwe batho ba leka go Mo dira Badimo ba bararo. Ga se Yena Badimo ba bararo.

Yena ke Modimo o tee yoo a phetšego ka diofising tše tharo, diponagalo tše tharo tša Modimo wa go swana.

¹⁶⁸ Bjale, elelwang, ye ke Kutollo, “Gomme mang le mang a e kwago gomme a se boloke dipolelo tša puku ye, karolo ya gagwe e tla tlošwa go tloga pukung ya bophelo.” Jesu ga a ikutolle Yenamong bjalo ka Badimo ba bararo, eupša Modimo o tee le diofisi tše tharo. Oo! Go ya go huma ka morago ga nakwana, ge re fihla ka go mabaka ale a kereke le go bona moo ba lahlilego yeo. E hlodile karogano e kgolo ka Nicene Council. Bobedi bja bona ba gogetše thoko.

¹⁶⁹ Gomme ba dirile selo sa go swana ka go lebaka le la mafelelo gape, feela boka pele ga Nicene Council gape, gobane go tla ba le ye nngwe. Feel a kgontha bjalo ka ge ke eme fa, Dikereke tša Katoliki le Protestant di tla kopanya se sengwe mmogo, goba go dumelelana bona seng. Lebelelang mopišopomogolo wa Canterbury godimo fale bjale. Yohle ya yona e pakelana godimo thwi mmogo. Gomme ga go thuto ya Modimo wa boboraro ka Beibeleng. Go na le Modimo o tee.

¹⁷⁰ Gomme e utollotšwe fa ka Pukung ya Kutollo, gore kgoboketšo ka moka ya Mangwalo e ka netefatšwa fa, gomme Kriste o bea setswalelo sa Gagwe go yona. Ye ke Yona. Ge e ka ba mang a tloša goba a oketsa, sa go swana se tla tlošwa go tšwa Pukung ya Bophelo, go yena. Kafao batamelang ye e se ka go ikhola, batamelang ye ka pelo ye e bulegilego le monagano wo o bulegilego.

¹⁷¹ Bjale, Nicene Council, ba ttile go diphetho tše pedi tše kgolo. Ka go... Oo, ba bantši ba bona mo letšatšing leo la botate ba kereke ya peleng, ba bile le mebono ye mebedi ya go phatlalala. O mongwe wa yona e be e le Modimo wa boboraro, wa bothirinithi. Gomme wo mongwe be o le mo—mo Modimo o tee. Gomme bobedi ya tla go beng gona gomme ya ya ntle go maphakga a mabedi a thwi, ntle ka mokgwa *woo*. Boboraro bo bile lefelo la modimo wa motho yo boraro. Maoneness ba bile babotee, feela phošo bokgole bjalo ka ge ba bangwe ba bile. Kafao bobedi ba ile ka maphakga, eupša thwi ka *Fa* go utolla Therešo.

¹⁷² Jesu o be a ka se kgone go ba Tate wa Gagwe mong. Ebile, ge eba A bile le tate ka ntle ga Moya wo Mokgethwa, gona Yena ke ngwana wa hlaba. Gomme e sego... Moya wo Mokgethwa o Mo imile, gomme O rile Modimo o be a le Tate wa Gagwe. Kafao Moya wo Mokgethwa le Modimo... Yeo ke Mateo 1:18. Ge eba... Moya wo Mokgethwa le Modimo ba swanetše go ba Motho wa go swana, goba O bile le bopapa ba babedi. Gomme O biditšwe *Imanuele*, e lego, “Modimo le rena.” O tleleimile, ge A be a le fa lefaseng, gore Yena le Tate ba be ba le Batee.

¹⁷³ Ke swere Mangwalo ohle a ngwadilwe fa gore le kgone go hwetša, ge eba re bile le potšišo ye—ye, goba se sengwe.

¹⁷⁴ Bjale, ge A bonagaditšwe fa, bjalo ka ofisi ya go menagana gararo ya sephedi sa Gagwe, “Yo a bego a le, Yo a lego, Yo a tla tlago, Ramaatlakamoka,” bjale, ga go ne Badimo ba bararo fao; go ne Modimo o tee.

¹⁷⁵ Gomme ka go Nicene Council, go dira se, gore ba dire se, ba ile ba swanela go tsea thirinithi, gobane ka lefaseng la Baroma ba bile le badimo ba bantši. Ba rapela bokhukhu ba bona ba ba hwilego. Ke swere histori thwi fa moo re ka e tsopolwago. Le a bona? Ba rapetše bokhukhu ba bona ba ba hwilego. Ke ka lebaka leo ba nago Mokgethwa Cicilia, le Mokgethwa Marcus, le mokgethwa, mokgethwa, mokgethwa, mokgethwa, mokgethwa, mokgethwa.

¹⁷⁶ Mola, Moapostola Petro o rile, “Ga go mmoelanyi yo mongwe magareng ga Modimo le batho, eupša Monna Kriste Jesu.” Yo motee.

¹⁷⁷ Ba be ba swanetše go ba le modimo wa thirinithi. Kafao, ba—ba bile le Jupiter, Mars, Venus. “Gomme go be go se maleba, go e bea yohle ka go Modimo o tee,” kafao ba no e aroganya, gomme ba dirile diofisi tsa go menagana gararo tsa Modimo go ba Badimo ba bararo ba go fapano.

¹⁷⁸ Eupša O bolela phatlalatša fa, ka go Kutollo, ke Yena Mang. “Ke na Yo a bego a le, Yo a lego, le Yo a tla tlago, Ramaatlakamoka.” Re tla E hwetša moragorago gannyane fa, O rile, “Ke nna Alefa le Omega,” A go fihla go Z, ka moka, alfabete ya Segerike. “Lili ya Moeding, Rosa ya Sarona; Tate, Morwa, Moya wo Mokgethwa; Yo a bilego, a lego, gomme a tla tlago; Modu le Lehlogedi la Dafida.” Ke Yena Modimo, Modimo. “Ntl- . . .” Timotheo wa Pele 3:16, “Ntle le phegišano, sephiri se sa bomodimo ke se segolo: gobane Modimo o bonagaditšwe nameng, o bonwe ke Barongwa, o dumetšwe lefaseng, a amogelwa godimo ka Letagong.” Modimo! E sego motho wa boraro goba moperfeta, eupša Modimo Yenamong, a dirilwe go bonagala ka sebopegong sa motho. Bjale, ye ke kutollo, elelwang.

¹⁷⁹ Bjale, Modimo, mo mathomong, o be a le Jehofa yo mogolo yoo a phetšego ka go Pilara ya Mollo, a lekeletše godimo ga Israele, gomme o ba eteletšepele. Yoo e be e le Modimo, Morongwa wa Kgwerano. O theogetše godimo ga thaba; thaba ka moka ya swara Mollo. Mollo o fofile go tsha thabeng, gomme o ngwadile Melao ye Lesome. O be a bitšwa “Botate bja Modimo,” go bana ba Gagwe, moloko wa Gagwe wo o hlaotšwego wa batho, Bajuda.

¹⁸⁰ Morago Modimo yola wa go swana o dirilwe go bonagala ka meleng motswalwakekgarebe woo a O hlotšego ka dipopelong tsa Maria, gomme o dutše le go dira madulo le go phurulla tente ya Gagwe, bjalo ka ge e bile, magareng ga batho. Gomme Modimo yola wa go swana o dirilwe nama gomme o dutše

magareng ga rena. Beibele e boletše bjalo. “Modimo o be a le ka go Kriste.” Mmele o be o le Jesu. Jesu, “Ka go Yena go agile bottlalo bja Modimohlogo mmemeleng.” Go ka se Mo dire batho ba bararo, bjale. Le se kolobetšego go Badimo ba bararo. Go ne Modimo o tee. Le a bona? Modimo o tee. Bjale, Modimo yo wa go swana o dirilwe nama.

O rile, “Ke tšwa go Modimo, gomme Ke ya go Modimo.”

¹⁸¹ Ka morago ga ge A nyamaletše go tloga lefaseng, ka lehu la Gagwe, poloko, le tsogo, le thotogelo, Paulo o kopane le Yena tseleng tlase go ya Damaseko, ge a be a sa bitšwa “Saulo.” Gomme Segalontšu se tlide, gomme se rile, “Saulo, Saulo, o Ntlhomaretšeng”?

O rile, “Ke Wena mang?”

O rile, “Ke nna Jesu.”

¹⁸² Gomme O be a le Pilara ya Mollo, Seetša seo se foufaditšego mahlo a moapostola. O be a retologetše morago. Jesu wa go swana o retologetše morago go Modimo, Tate, gape. Ke ka lebaka leo A rilego, “Ke nna Ramaatlakamoka,” ka sebopengong sa go swana A bilego pele A dirwa nama; le mmele wa Gagwe woo A phetšego ka go ona, o bitšwago Jesu, Monna yoo re mo tsebago, Jesu.

¹⁸³ Bjale, boka boati bja lena barategi batho ba oneness le kolobetša ka, “Leina la Jesu,” le phošo. Go ne Bojesu ba makgolo ka lefaseng lehono, eupša go ne o tee a nnoši Morena Jesu Kriste. O tswetšwe a le Kriste. Bontši bja Bojesu. Ke kopane le bontši bja bona. Eupsa go ne Morena Jesu Kriste o tee, Yena ke Modimo.

¹⁸⁴ Gomme Tate, Morwa, le Moya wo Mokgethwa ga se *maina*. Ke dithaetlele tše di yago Leineng le letee. Ba kolobetša, “Leineng la ‘Tate, Morwa, Moya wo Mokgethwa.’” Tate ga se leina, le *Morwa* ga se leina, le *Moya wo Mokgethwa* ga se leina. Ke thaetlele, boka “motho.” Ke se o lego, Moya wo Mokgethwa. Motho... Goba, moyo, Moya wo Mokgethwa. Gona le re, “Leineng la ‘Tate.’” Lebelela botate, le barwa ba barwa ba lena. Lebelelang batho ka fa. Le a bona? “Tate, Morwa, le Moya wo Mokgethwa” ga se leina. Ke thaetlele yeo e sepelago le Leina la “Morena Jesu Kriste.”

¹⁸⁵ Ke ka tsela yeo Kereke ya boapostola e kolobeditšego, mo mathomong. Gomme ke tla botšiša e ka ba mang go tšweletša sengwalwa sa Lengwalo, goba nako e rilego ka historing, yeo e ka ba mang a kilego a ke a kolobetšwa ka Kerekeng ya Bokriste ka tsela efe ye nngwe ntle le ka... eupša Leineng la “Jesu Kriste” go fihlela ge kereke ya Katoliki e hlamega. Gomme ba tšere “Tate, Morwa, le Moya wo Mokgethwa” bakeng sa thutotumelo. Bjale tlišang histori ya lena, ba bangwe, borahistori. Ya. Ga go selo se sebjalo. Ka morago ga 304 A.D., 304, go tla kolobetšo ya boboraro bakeng sa Modimo wa boboraro, “Modimo Tate, Modimo Morwa, Modimo Moya wo Mokgethwa.” Ke bohetene.

¹⁸⁶ Pele ga ge beke ye e fela, ke tla e bala go tšwa dipukung le go le bontšha ka Beibebe. Re bolela mosong wo ka Kutollo, le go e netefatša moo e tšwago, le ka fao e thomilego go phela. Morago go Therešo, ngwanešu! Re mo letšatšing la mafelelo.

¹⁸⁷ Leta go fihla re hwetša kereke yela ya Efeso le go e kaya le ya Laodikia, gomme re bone se se diregilego magareng ga tšona. Le tla bona ka fao selo se khukhunetsego ka gare. Go tleng ka go lebaka la Luther, e rile, “O ne leina gore o a ‘phela,’ eupša o hwile.” Lona lentšu *Sarede* le ra “go hwa.” Ba lahlegetšwe ke lona ka mengwageng ye lekgolo lesomehlano ya Mabaka a Leswiswi. Ye nngwe le ye nngwe ya tšona dikereke di bolokile seo go fihla nako yeo. Morago ba bile le Nicene Council ka 606, gomme morago ba hlahlamolotše Leina lela gomme ba dirile Badimo ba bararo go tšwa go Lona.

¹⁸⁸ O rile fa, “Ke nna Yo a bilego, Yo a lego, gomme a tla tlago, Ramaatlakamoka.” Kgonthe.

¹⁸⁹ O bile le Sephedi sa go menagana gararo mo lefaseng. Ge A be a le lefaseng, O be a le Sephedi sa go menagana gararo. Mo lefaseng, O be a le Moprefeta. Gape O ka Legodimong, Moprista. Gomme ge A etla morago lefaseng gape, O tla ba Kgoši. Moprefeta, Moprista, le Kgoši. Yo a bilego, a lego, gomme a tla tlago. “Yo a bilego,” e be e le Jesu, moprofeta. “Yo a bego a le bjale,” ke Moprista, a dira dihlabelo tša semoya, Moprista yo Mogolo yo a kgonago go kgwathwa ke maikutlo a mabofokodi a rena, gomme a ikutolla Yenamong le go netefatša gore O magareng a rena. Moprefeta, Moprista, le Kgoši, eupša Modimo o Tee.

¹⁹⁰ Ge A be a le lefaseng, O be a le Moprefeta, Lentšu. “Hlatse ya go botega,” Beibebe a Mmitša, moragorago gannyane. Hlatse ya go botega, ke moprofeta. O be a le Moprista, gomme ge... Yena ke Moprista bjale, gomme ge A etla, O tla ba Kgoši.

¹⁹¹ Ge le ka fetša, balang Kutollo 15:3, le kgora go bona ka go Kutollo 15:3. A re phetleng fa le go bona se Yena... ge eba O ya go ba Kgoši, ge eba Yena ke kgoši ge A etla. Bjale re ya go Kutollo, tema ya 15 gomme te—te temana ya 3.

Gomme ba opetše koša ya Moshe mohlanka wa Modimo, le koša ya Kwana, ba re, mediro ya gago ke ye Megolo le go kgahliša, Morena Modimo Ramaatlakamoka; ditsela tša gago ke tša toka le go rereša, wena Kgoši ya bakgethwa.

¹⁹² O be A le eng lefaseng? Moprefeta. Batho ba tsebile bjang O be a le Moprefeta? O dirile leswao la Mesia, e lego Moprefeta. Oo, Leina la Morena a le šegofale! Ba Mo phonne bjang? Gobane ba be ba lebeletše bakeng sa se sengwe gape. Gomme O dirile leswao la Mesia, gomme ba be ba ka se le kwe. O be a le Moprefeta.

¹⁹³ Moshe o rile, “Morena Modimo wa lena o tla tsoša Mopropfeta boka nna. Go tla direga ge ba ka se kwe Mopropfeta yo, ba tla ripša go tloga makgatheng a batho.”

¹⁹⁴ O be a le Mopropfeta mo lefaseng, bjale, gobane O be a le eng? “Hlatse ya go botega ya Lentšu la Modimo.” Amene. O be a le Lentšu la Modimo le dirilwe go bonagatšwa.

¹⁹⁵ Mokgethwa Johane, tema ya 1.

*Mathomong go be go le Lentšu, gomme Lentšu le be le
le le Modimo, gomme Lentšu le be le le Modimo.*

*Gomme Lentšu la dirwa nama, gomme la dula
magareng ga rena, . . .*

¹⁹⁶ O be a le hlatse ya go botega le go rereša go Lentšu la Modimo la Gosafelego. O be a la Lentšu, Lentšu la Modimo. Gomme, go beng Lentšu, O be a le Mopropfeta. Gobane Lentšu la Modimo le eletše ka Yena. O be a swanetše go bolela feela Selo. “Ga ke kgone go dira selo ka Bonna, eupša se Tate a Mpontšhago go se dira. Ga se Nna ke dirago mediro. Eupša Tate yoo a dulago ka go Nna, O dira mediro. Nna le Tate wa Ka re Batee. Tate wa ka o ka go Nna,” go boletše Jesu, Motho, Tabarenakele.

¹⁹⁷ Modimo ne dithaetlele tše dintši: Jehofa, Jehofa-Jireh, -Rapha, -Manasseh. Oo, tše dintši! O le mainagokwa a šupago, maina a topollo. O ne dithaetlele tše dintši: Rosa ya Sarona, Lili ya Moeding, Naledi ya Meso; Tate, Morwa, Moya wo Mokgethwa. Tše tshole. Eupša O ne Leina le letee la bomotho. Modimo o bile le Leina le letee, gomme leo e be e le “Morena Jesu Kriste.”

¹⁹⁸ Ge A tswalwa, Kriste, Morena. Matšatši a seswai moragorago, Moya wo Mokgethwa o biditše Leina la Gagwe “Jesu.” Mama wa Gagwe o bile le Yena a bolotšwa, gomme o Moreetše “Jesu.” O tswetše a le Kriste.

¹⁹⁹ Boka, ke tswetšwe ke le Branham. Ke be ke le Branham ge ke tswalwa, gomme ka fiwa leina la “William.”

²⁰⁰ Amene. Gomme O tswetše a le Kriste, Mophološi. Gomme ge A be a le matšatši a seswai bogolo, O filwe leina la “Jesu.” Gomme O be a le Morena wa Letago, a dirilwe nama. Kafao, Yena ke Morena Jesu Kriste, Modimo wa Letago a dirilwe go bonagatšwa magereng ga rena. Oo, Yena šole!

²⁰¹ Mo lefaseng, O be a le Mopropfeta. Ka Letagong, ke Yena Moprista. Go tleng, ke Yena Kgoši. Oo! Ke rata seo.

Mopropfeta, “Hlatse ya go botega ya Lentšu.”

Moprista, “Ka Madi a Gagwe Mong pele ga Modimo.”

Kgoši, “Kgoši ya bakgethwa.” E sego kgoši ya lefase, bjale. Ke Yena Kgoši ya bakgethwa. Re na le dikgoši tsa lefase godimo ga bona batho. Eupša re ne Kgoši, le rena, le Mmušo. Ke ka lebaka leo re itshwara go fapania.

²⁰² Boka ke boletše e se kgale botelele, ka ga mosadimogatša wa ka, re be re eya lebenkeleng godimo fa gomme re bone mohlolo, go nyakile. E be e le nako ya selemo, mosadi a apere roko. Gomme ke rile, “Seo ke selo sa go tlaba.” Ke rile, “Ge nkabe ke swere khamera ya ka, ke be ke tla tsea mohumagadi senepe.” Le a bona? Gobane rena . . . Yoo e be e le mosadi wa mathomo re mmonego a a apere sekhethe, le a tseba, a apere boka mohumagadi a swanetše go ba, basadi bohle.

²⁰³ O rile, “Gabotse, gobaneng e le, Bill, gore batho ba rena ba apara, a ke re—re laetšwe?”

²⁰⁴ Ke rile, “Ga se batho ba rena. Ke batho ba Modimo. Batho ba Modimo, ba nyakega bokgethwa.”

O rile, “Gabotse, a ga ba ye kerekeng?”

²⁰⁵ Ke rile, “go na le mohumagadi *thwi* fale, yoo a opelago khwaere go kereke tsoko fa.”

“Gabotse, gona, gobaneng yeo?”

²⁰⁶ Ke rile, “Ka gobane ga se a rutwa go fapania e ka ba go fe.” Yeo ke nnete tlwa.

²⁰⁷ Yela ke kereke yela ya senama, re tla tla ka go se bekeng ye; Kereke ya semoya, kereke ya senama. Tšohle di gogolelwa morago thwi go kereke mama, bjalo ka ge Beibele e boletše, ka go Kutollo 17, ba tla e dira. Ba boela morago thwi bjale, bohle ba bona, ba itshwara boka yona, ba dira mokgatlo. “Gabotse, rena re ye e rilego . . . Re dira mokgatlo. Rena re se gomme rena re *sela*.” Go be go se bjalo kua mathomong. Go ntšheng maatla ohle go tšwa ka kerekeng le go e bea go pišopo goba mopapa. Modimo o ka Kerekeng ya Gagwe, magareng ga batho ba Gagwe, a iponagatša Yenamong ka maloko le mogohle, bjale. Eupša ka letšatšing le . . .

O rile, “Go lokile, a ga se rena Maamerika?”

²⁰⁸ Ke rile, “Aowa. Re phela fa, eupša ga se rena Maamerika. Rena re Bakriste. Mmušo wa rena ke wa Godimo.”

²⁰⁹ Gomme ge maphelo a rena a etšwa godimo Fale, gona re itshwara ka mokgwa woo. Gobane, re tšwa . . . Bophelo bja rena bo tšwa Lefelong le lekgethwa. Le lebega go fapania. Le apara go fapania. Basadi godimo Fale ba ne moriri wo motelele. Gomme ga ba tlotše manekure sefahlegong sa bona. Gomme—gomme ga ba apara dišothi. Ba—ba apara dikhetha, le diaparo tše telele le diroko. Gomme ba ne moriri wo motelele, le dilo. Kafao tlha—tlha tlhago ya lona, go tšwa godimo Fale, e bonagala morago go rena.

²¹⁰ Banna ga ba kgoge, go sohla, go aketša, go utswa. Ba tla, meboya ya bona, e tšwa Lefelong le lekgethwa, o ba dira ba itshware sekgethwa, ba lemogana seng bjalo ka banešu. Uh-huh. Ke yona.

²¹¹ Re ba Mmušo, gomme re ne Kgoši. Gomme ke Yena Kgoši ya bakgethwa. Gomme lentšu *mokgethwa* le tšwa go lentšu “ba ba hlwekišitšwego.” Gona ge motho a hlwekišitšwe, Kriste, Moya wo Mokgethwa o tsena ka pelong gomme wa ba Kgoši godimo ga bona. Oo, nna! Seo se swanetše go ya gae. Oo! Ge sebjana se se hlwekišitšwego sa Modimo . . . Kriste, Kgoši, Moya wo Mokgethwa, o tsena ka gare. Gomme Yena . . . Kgoši o ne pušo ya Gagwe. Amene. Gomme bogona bja gago ka moka bo bušwa ke Kgoši ya bakgethwa. Mmušo! Mmušo wo mongwe le wo mo lefaseng o tla šikinywa, wa pšhatlaganyetšwa fase ke maatla a athomo. Eupša Beibele e re, “Re amogela Mmušo woo o ka se šikinywego.” Amene. Yena šoo, Kgoši ya bakgethwa.

²¹² Ke nyaka le lemoge dika tša Kriste, gape, ka Beibeleng le fa lefaseng. Mo lefaseng, O be a le Moprefeta. Le dumela seo? [Phuthego e re, “Amene.”—Mor.] Moprefeta ke Lentšu. Re tseba seo. Lentšu le *moprefeta* le ra “mohlatholli yo mokgethwa wa Lentšu.” Lentšu le lekgethwa le ngwadilwe, gomme moprefeta o ne Moya wa Modimo wo mokgethwa ka go yena. Gomme, le a tseba, Moprefeta ka go Testamente ya Kgale o be a bitšwa “modimo.” Ke ba bakae ba tsebilego seo?

²¹³ Jesu o rile, “Ge ba biditše bona badimo . . . A ga gwa ngwalwa molaong wa lena, bona ke, ‘Lena le badimo?’ Gomme ge ba biditše bona ‘badimo,’ ba Lentšu la Modimo le tlidego go bona, moprefeta, le ka Ntshola bjang ge Ke re Ke nna Morwa wa Modimo?”

²¹⁴ Gobane, o biditšwe “modimo,” gobane o rwele ka go yena Lentšu la Modimo, GO RIALO MORENA. Kagona, lentšu *moprefeta* le ra, “tlhathollo ya gagwe—ya gagwe ga ya swanela go tswakwa.” Le a bona? Ge Modimo . . . O re, “Ge go ne yo motee magareng ga lena, a lego wa semoya, goba moprefeta, Nna Morena ke tla bolela le yena. Se a se bolelago se a phethega, gona mo kweng, gobane Ke na le yena. Eupša ge se sa phethagale, gona le se mo kweng; ga se Ke mo rome.” Ke tsela yeo le e tsebago. Gomme gona, le a bona, tlhathollo ye kgethwa ya Lentšu e swanetše go welana le kutollo ye ya mafelelo go kereke.

²¹⁵ Ke Yena Modimo, Ramaatlakamoka. Mo lefaseng, O be a le Moprefeta, e lego ntšhu. Ke ba bakae ba tsebago gore moprefeta o tšeelwa go ba ntšhu? [Phuthego e re, “Amene.”—Mor.]

²¹⁶ Ntšhu ke nonyana ya go tia kudu re nago nayo, ye maatla kudu. A mangwe a diphego tša tšona a phuruloga dikgato tše lesomenne, go tloga ntlheng go ya ntlheng. E kgona go tsea le go fofela godimo kudu gore ge nonyana e ka ba efe ye nngwe e leka go e latela, e tla rathagana, mafofa a tla tomoga go tloga go yona gomme e tla phatloga. Ka lebaka la eng? E agilwe ka go ikgetha. Gomme ke botse bofe e mo dirago go ya bogodimo bjoor ge a sa kgone go bona se a se dirago ge a le godimo fale? Bolela ka leihlo la leaka? O swanetše go bolela ka leihlo la ntšhu.

²¹⁷ Leaka le kgona, le ka bona kgogo. Yeo ke nnete. Seo ke se e lego bothata ka a mangwe a maaka lehono. Uh-huh. Eupša, ke a le botša, ntšhu e ya bjalo, ge leaka le ka leka go e latela, le tla hwa. Le tla kgamega. Le ka se kgone go tsena ka dikgaong tšela tšeō ntšhu e dirago.

²¹⁸ Gomme gona e ne leihlo, gore e kgona go bona kgole kudu, ge e fihlile godimo fale. Kafao ke ka baka leo Modimo a biditšego baprofeta ba Gagwe, “dintšhu.” E fihla godimo fale, gomme ke yona ntšhu. E kgona go bona, kgolekgole.

²¹⁹ Gomme Kriste, mo lefaseng, o be a le Ntšhu. Ge A hwile, O be a le Moprista, kafao seo se Mo dirile Kwana. A yeo ke nnete? [Phuthego e re, “Yeo ke nnete.”—Mor.] Gomme ge A bowa gape, ke Yena Kgoši, kafao O tla ba Tau, amene, Tau ya leloko la Juda. Amene. Ke Yena Ntšhu, Kwana, le Tau; amene; Tate, Morwa, le Moya wo Mokgethwa; Mopropfeta, Moprista, Kgoši; Yena a bilego, a lego, gomme a tla tlago; Ramaatlakamoka; Alefa le Omega, go tloga mathomong go ya bofelong, Modimo wa Gosafelego.

²²⁰ Ke nyaka go le botšiša, ba bangwe ba lena batho ba bohlokwa ba Katoliki, ba le bitšago seo, “Bomorwa bja Gosafelego bja Modimo; Modimo, bomorwa bja Gosafelego bja Jesu Kriste le Modimo.” Le kgona bjang go bolela lentšu leo? Ke sesoswana, ka thuto ya kreiti ya bošupa, eupša ke tseba bokaone go feta seo. Lentšu morwa le swanetše go ba le mathomo. Kafao O kgona bjang go ba wa Gosafelego gomme a ba morwa? Bokagosafelego ga bo na mathomo goba bofelo. Kafao, A ka se be morwa, morwa wa Gosafelego, gomme morago a ba le mathomo, gobane ga go selo se sebjalo ka morwa wa Gosafelego. Gomme morwa o bile le mathomo, kafao a ka se be wa Gosafelego.

²²¹ Le a bona, ke Yena Modimo wa Gosafelego, e sego morwa wa Gosafelego. Letago! Ramaatlakamoka, Jehofa-jireh, Jehofrapha, a dirilwe go bonagala nameng, “Ka go yena go letše bottlalo bja Modimohlogo mmeleng.”

²²² Gomme mo Letšatšing la Pentecost, ge Pilara ya Mollo e theogetše tlase godimo ga batho, a le lemogile, E ikarogantše Yonamong? Gomme maleme a Mollo a dutše godimo ga yo mongwe le yo mongwe wa bona. Mollo, boka maleme, o dutše go yo mongwe le yo mongwe. Modimo o be a dira eng? A ikaroganya Yenamong ka go Kereke, magareng ga yo mongwe le yo mongwe, a efa basadi, banna, le bohole ba bona; e be e le dikarolo tša Moya wa Gagwe, a ikaroganya Yenamong magareng ga Kereke ya Gagwe.

²²³ Monna o kgona bjang go tla gomme a re, “Monna yo mokgethwa ke mopapa. Monna yo mokgethwa ke pišopo”? Monna yo Mokgethwa ke Kriste, Moya wo Mokgethwa ka go rena. Le kgona bjang go re maloko ga a ne lentšu go bolela? Yo mongwe le yo mongwe wa lena o ne se sengwe go bolela. Yo

mongwe le yo mongwe wa lena o ne modiro go o dira. Yo mongwe le yo mongwe wa lena o swanetše go rwala Molaetša. Letago!

²²⁴ Moya wo Mokgethwa o ikarogantše Wonamong ka Letšatši la Pentecost. Modimo, a ikaroganya Yenamong. “Letšatšing leo le tla tseba gore Ke ka go Tate, Tate o ka go Nna; Nna ka go lena, le lena ka go Nna.”

²²⁵ “Letšatšing leo,” Moya wo Mokgethwa, “godimo ga bohle, ka go bohle, ka bohle.” Amene. Yona seo. Moya wo Mokgethwa o ne tokelo go sepela e ka ba kae mo A nyakago, godimo ga e ka ba mang A nyakago. Ga la swanela go tšea se pišopo tsoko goba moprista tsoko a se bolelago. Yena ke Moprista wa rena a nnoši, nnete, Moprista yo Mogolo. Bjale: Mopropfeta, Moprista, le Kgoši.

²²⁶ Bjale:

Gomme...Jesu Kriste, yo e lego hlatse ya go botega, . . . wa pele go tswalwa bahung, . . . (Re tla tla ka go seo.) . . . le mokgoma wa dikgoši tša lefase. Go yena a re ratilego, le go re hlatswa go tšwa dibeng tša rena mading a gagwe mong,

²²⁷ Lentšu *hlatswa* fale, gabotse, ka Segerike, le ra go “bofolla.” O re bofollotše go tša rena. . . Re be re kgokilwe lefaseng, ke dibe tša rena. Re be re sa kgone go bona, re sa kgone go kwa, re se ne kakanyo ka ga Legodimo goba selo. Eupša ge Madi a theogile, A kgaotše lethala gomme re bofollotšwe. Oo!

²²⁸ Ke badile kanegelo nako ye nngwe, e . . . e ka swanela gabotse thwi fa. Molemi o swere legokubu gomme o le bofile. Gomme o rile, “Ke tla ruta magokubu a mangwe thuto.” Kafao o bofile legokubu la kgale, gomme ka leoto, ka lenti, gomme selo sa kgale sa go šokiša se nyakile se ehwa ka tlala. Le be le fokola kudu, le be le sa kgone go sepela.

²²⁹ Ke seo, ye mengwe ya mekgatlo ye le dikereke, di bofeletše batho fase. “No se kgone! Gabotse, *bjo* ke bokgole bjohle o ka kgonago go ya. Matšatši a mehlolo a fetile.” Ya. O no ba o bofilwe. Ke phetho. “Ga go selo se sebjalo ka Moya wo Mokgethwa. Ga a bolela ka maleme boka A be a dira.”

²³⁰ Ke Yena Modimo. “O no swana maabane, lehono, le go ya go ile,” Bahebere 13:8, a phela ka dikerekeng tšohle. Re tla fihla go yona morago ga peakanyo mosong wo. Le a bona? Yena ke Modimo, yoo a phelago ka go lebaka le lengwe le le lengwe la kereke. O tla phela ka go lebaka le lengwe le le lengwe la kereke, gomme o tla phela ka go batho ba Gagwe bjalo ka . . . bakeng sa Bokagosafelego. Gobane re na le bjale, ka go rena, Bophelo bjo Bosafelego.

²³¹ Kafao, kereke ye ya leina e mmofeletše fase, le a bona, “Gabotse, matšatši a mehlolo a fetile. Ga go selo se sebjalo bjalo

ka phodišo Kgethwa.” Moisa wa go šokiša o thankobetše go fihla a be a šokiša o be a se sa kgona go sepela.

²³² Gomme letšatši le lengwe go bile le monna wa go loka a feta kgauswi, gomme o rile, “Le a tseba, legokubu lela la go šokiša la kgale, ke le kwela bohloko. Morago ga tšohle, a ka no be a be a eja lehea la gagwe, eupša yeo ke tsela e nnoši a iphedišago. O swanetše go hwetša se sengwe go ja. Kafao ga se a tsebe phapano e ka ba efe, o no be a le ntle fale a hwetša lehea. Kafao ge . . .” Morago o tšere wa gagwe . . . gomme o tšere mphaka wa gagwe gomme a ripa go bofolla legokubu.

²³³ Gomme le a tseba, magokubu a mangwe šea a atla, a tla godimo, a rile, “Etla pele, Johnny Legokubu. A re ye Borwa. Boso bja go tonya bo etla.”

²³⁴ Le tseba eng? Legokubu lela le be le no ya bokgole bjoo le kgonago go ya ntle fale. Le rile, “Ga ke kgone go e dira. Ga go, go no se be bakeng sa rena letšatšing le. Re—re no se kgone go e dira.” Le a bona? O be a bofilwe nako ye telele kudu, go fihlela o be a nagana o sa bofilwe. Le a bona?

²³⁵ Gomme yeo ke tsela ka boati bja batho, le bofeletšwe fase ka dithutotumelo le dikereke tša leina, go tšwa mo mme mmalelegogwana morago fale, a le botša, gore, “Jesu Kriste ga a swane. Gomme ga go selo se se bjalo ka phodišo. Ga go ne kolobetše ya Moya wo Mokgethwa. Ga go selo sa dilo boka tše.” A leka go le botša tšona. Le bofeletšwe botelele kudu go fihla le sa nagana le bofilwe.

²³⁶ Monna wa go loka, Kriste, o neetše Madi a Gagwe gore A ke a re hlatswe le go re bofolla go tloga dibeng tša rena. Sebe ke eng? Ke tla botšiša e ka ba mang go mpotša. Sebe ke eng? *Sebe* ke “gosedumele.” Yeo ke nnete. “Yoo a sa dumelego šetše a ahlotšwe.”

²³⁷ Gomme sebe sa gago ke selo se nnoši seo se go thibelago go beng go lokologa. Ke ka gobane Modimo o ripile go go bofolla go tšwa gosedumeleng ga gago, eupša o bofeletšwe kudu ka thutotumelo go fihla o sa nagana o bofilwe. Go no hwa ka tlala, le a bona, go thankobela go dikologa, “Ke nna Mopresbyterian. Ke nna Momethodist. Ke nna Mobaptist. Ba mpotša (Ke nna Mochurch of Christ), ‘Matšatši a mehlolo a fetile. Ga go selo se sebjalo.’”

²³⁸ Wena legokubu la go šokiša la go bolawa ke tlala! Gobaneng o sa tle mosong wo? Gobaneng o sa fofele kgole? Haleluya! “Hlatlogela godimo ka diphego tša moso, gomme o fofele kgole Letšatšing la Toko, ka phodišo diphegong tša Gagwe.” Amene. Yeo ke yona. Yeo ke yona, ngwanešu, kgaetšedi. Oo! “Yo Morwa a ripilego go mo lokolla, o lokologile ka nnete.” Ee, mohlomphegi!

²³⁹ “Gabotse, modiša wa ka . . .” Ga go selo ka seo. Beibele e rile, “O lokologile.” Yeo ke nnete. O lokologile.

“Kereke ya ka . . .”

²⁴⁰ Gabotse, ripša go bofollwa. “O re hlatswitše le go re bofolla go tloga dikerekeng tša maina tša rena, mo Mading a Gagwe Mong,” gomme o re lokolotše gore re kgone go inaganelo renabeng, le go itirela renabeng, le go ipolelela renabeng, le go itshwara renabeng.

²⁴¹ “Gabotse, ge ke boetše morago le go botša modiša ke swanetšwe go kolobetšwa gape, o tla . . .”

²⁴² Go ka reng ka, “O lokologile?” Ye ke kutollo, le a tseba. Go lokile. O lokologile.

²⁴³ Ge eba o fafaditšwe ka motšokotšo wo monnyane wa letswai ka mokgwa *wo*, leineng la “Tate, Morwa, le Moya wo Mokgethwa,” mogobe šo o dutše fa, o komana mosong *wo*, ka meetse ka go ona. Le a bona? Ee, mohlomphegi. Ga se gwa loka.

²⁴⁴ Kafao, ga o sa tlenngwe gape. O lokologile, eupša mohlomongwe ga o tsebe. Eupša anke ke go botše mosong *wo*, Beibele e rile, “O re bofollotše go tloga dibeng tša rena, gosedumele ga rena, gore re ke re amogele Kutollo ya Jesu Kriste.” Sepela, o lokologile! . . . swanela go tšea se kereke e se boleLAGO ka Yona. Tšea se Modimo a se boletšego ka Yona. Kutollo ya Gagwe še e utolla ke Yena Mang.

²⁴⁵ “Ka mehla ke dumetše gore Modimo Tate o bile le a matelele, maledu a mašweu, moriri wo mošweu; gomme Morwa o be a le monna wa mengwaga ya magareng; gomme Moya wo Mokgethwa o le setlišamahlatse.” Ngwanešu, seo ke bohetene. Seo ke bohetene ge o dumela go Badimo ba bararo.

²⁴⁶ Wona Molao wa mathomo, Molao wa mathomo ke eng? “Theeetša, O Israele: Nna ke MORENA Modimo wa gago, Modimo o tee.” Yeo ke yona.

²⁴⁷ Yena ke Modimo o tee, e sego badimo ba bararo. O phetše ka diofising tše tharo, o diretše mafelo a mararo. Ke Yena Mopropeta, Moprista, le Kgoši. Ke Yena Ntšhu, Kwana, le—le Tau. Ke Yena Lili ya Moeding, Rosa ya Sarona, Lili ya Moeding, le Naledi ya Moso, Modu le Lehlogedi la Dafida. Ke Yena A go ya go Z. Ke Yena Tate, Morwa, le Moya wo Mokgethwa. Ke Yena tšohle tše, eupša yo Motee. Ke Yena Modimo yo motee. Tše, ke dithaetlele tša Gagwe tše di sepelelango le Yena, eupša go ne Modimo o motee.

²⁴⁸ Ga se nke gwa tsoge gwa ba e ka ba mang, lephethe e ka ba lefe la Beibele goba histori, go fihlela kereke ya Katoliki, a kilego a kolobetšwa ka go karabetšwa leineng la “Tate, Morwa, Moya wo Mokgethwa.”

²⁴⁹ Ge le ka mpontšha letlakala goba e ka be eng, le e ngwale, le e bee godimo fa go nna, bošegong bjo, gomme ke tla tšwa kerekeng ye, ke re, “Ke nna moikaketši; ke rutile batho phošo.” Ge le ka mpontšha mongwalo o tee wa Lengwalo, goba la ntlišetša

histori e tee, histori ye e nepagetšego, yeo e tla mpontšhago moo batho bao ba kilego ba ke ba kolobetšwa, ka Beibeleng, leineng la “Tate, Morwa, Moya wo Mokgethwa.” Goba, ntlišetšeng letee Lengw- . . . goba, puku e tee ya histori, letlakala le letee, setsopolwa se setee ka go histori, moo e ka ba mang a kilego a ke a kolobetšwa leineng la “Tate, Morwa, Moya wo Mokgethwa,” go fihlela Nicene Council ya kereke ya Katoliki. Etlang, e tlišeng g nna; gomme ke tla kgomaretša leswao mokokotlong wa ka le go sepela go kgabola Jeffersonville, gomme lena ka morago ka nakana, le letša. Ke tla bea fale, “Mopropeta wa maaka, a fapošago batho.”

²⁵⁰ Gomme, modiša, ge o le gona mosong wo, o tla dira seo, o swanetše go ntumelela ke dire seo go wena. Le a bona? Etlang, mpontšheng. Eupša le a fšega.

²⁵¹ Bjale, ke eng? Ye ke kutollo. Ye ke Kutollo. Gomme wo ke Moya wo Mokgethwa, Kriste, o romela Molaetša wa Gagwe go dikereke. O kweng. O kweng. Ke seo Beibele e se rutago.

²⁵² Naa e tšwa kae? Ge le ka no se befelwe, tlogang kgole, go kgabola beke, le—le hwetša Nicene Councils. Hwetšang *Two Babylons* ya Hislop. Hwetšang . . .

²⁵³ Bjale, histori ya Josephus e lokile, eupša o nno ngwala temana e tee ya Kriste, o rile, “Go bile le monna a bitšwago Jesu yo a kitimilego gohle, a fodiša batho. Gomme gomme o hwile, goba, aowa, Pilato o mmolaile, gomme—gomme, goba Herode, goba o mmolaile. Gomme morago barutiwa ba ile gomme ba utswitše mmele wa gagwe, gomme ba o fihlile. Gomme bošegong bjo bongwe le bjo bongwe ba ya go sega seripana go tšwa go ona gomme ba se ja.” O rile, “Ba be ba le makgema.” Kafao, ba be ba bolela ka selalelo, le a bona. Monagano wa senama! Josephus ga se wa go theetswa.

²⁵⁴ Eupša tšeang *Book Of The Martyrs ya Foxe*. Fao go ya go loka ya go nepagala. *Book Of The Martyrs ya Foxe*, ke ba bakae ba e badilego? [Phuthego e re, “Amene.”—Mor.] Kgonthe. *Early Ages* ya Pember, goba—goba *Two Babylons* ya Hislop, goba—goba ye nngwe ye kgolo ya go nepagala. Goba, ye—ye kgolokgolo kudu re nago le yona ke Nicene Council, pre-Nicene Council le Nicene Council. Gomme le a hwetša fale, yeo ga se nke ya ke ya bolelwā, goba batho.

²⁵⁵ Tšeang Mangwalo a Makgethwa gomme le bone ge eba go kile gwa ba le e ka ba mang ka Beibeleng a kilego a ke a kolobetšwa, a šomiša dithaetlele tše, leina “Tate, Morwa, le Moya wo Mokgethwa.” E ra badimo ba bararo. Ke bakeng sa mekete ya sehetene. Gomme Bokatoliki ga se selo gape ka lefaseng eupša se—se sebopego sa bohetene sa Bokriste. Gomme go tšwa go kereke ya Katoliki go tla Martin Luther, John Wesley, Baptist, Mapresbyterian, le go ya pele.

²⁵⁶ Eupša mo matšatšing a mafelelo go bile le lebati le beilwe fale, leo le butšego Therešo gape, gore, “Beibele e boletše bjalo,” le moprofeta yo mogolo yoo a bego a tla tla lefaseng matšatšing a mafelelo. Gomme re a dumela o etla. Šetšang. Gomme o tla ba le Kereke. Bjale, re tla bona se, bjale.

²⁵⁷ Bjale, elelwang, ye ke Kutollo. Le ka se kgone go tšea go tšwa go Yona. Bjale, a tlhohlo! Hwetšang motho o tee ka Beibeleng, lefelo le letee ba kilego ba ke ba kolobetša e ka ba mang leineng la “Tate, Morwa, Moya wo Mokgethwa,” goba ba kilego ba ke ba fafatša e ka ba mang, e hwetšeng ka Beibeleng, bakeng sa tebalelo ya dibe tša bona. Ga se nke ba ke. Gomme motho yo mongwe le yo mongwe, ga go kgathale ba kolobeditšwe bjang, ba ile ba swanela go tla le go kolobetšwa, gapegape, Leineng la “Jesu Kriste,” go hwetša Moya wo Mokgethwa.

²⁵⁸ Ditiro 19, “Paulo o fetile go kgabola lebopo la tletlolo la Efeso, o hwetša barutiwa tsoko.” O rile, “Barutiwa.” Ba be ba ne kopano ye kgolo. Ba be ba latela monna ka leina la Apollo, yo e bego e le ramolao yo a sokologilego; Mobaptist yo a dumetšego go Johane Mokolobetsi, gomme o be a netefatša ka Mangwalo gore Jesu o be a le Kriste.

²⁵⁹ Paulo o fetile go kgabola gomme o bone Akwila le Perisila, ka go tema ya 18 ya Ditiro. Gomme morago o ile godimo le go ba le matena, goba sengwe se sengwe, le Akwila le Perisila. Ba mmoditše ka ga monna yo mogolo yo. Ba ile go mo kwa. O mo theeditše bošegong bjoo. O rile, “O lokile kudu. Go kaone kudu. Yeo e lokile. Eupša,” o rile, “a le amogetše Moya wo Mokgethwa ge e sa le le dumetše?”

²⁶⁰ Go reng ka leng Mabaptist a go šokiša morago fale, le dumelago le amogela Moya wo Mokgethwa *ge e sa le le dumetše?*

O rile, “A le amogetše Moya wo Mokgethwa *ge e sa le le dumetše?*”

Yeo mongwe o rile, “Yeo e be e se ya ngwalwa ka fao.”

²⁶¹ Ke ganetša seo. Ke swere Segerike sa go nepagala thwi fa, Bahebere, le yona. Beibele e bolela ka Segerike, le bobedi, Bahebere, le gape ka Searamike. Go tšohle tše tharo, ke ne tšona thwi fa, di rilego, “A le amogetše Moya wo Mokgethwa *ge e sa le le dumetše?*” Yeo ke nnete. “A le amogetše Moya wo Mokgethwa ge e sa le le dumetše?”

²⁶² Bjale, o rile, “Ga re tsebe ge go ne Moya wo Mokgethwa wo itšego.”

Gona o rile, “Le kolobeditšwe go eng?”

²⁶³ Ba rile, “Re šetše re kolobeditšwe ke monna yoo a kolobeditšego Morena Jesu Kriste. Re kolobeditšwe go kolobetšo ya Johane,” molete wa go swana wa meetse, mohlomongwe, “monna wa go swana.”

²⁶⁴ Paulo o rile, “Yeo e ka se šome. O nno kolobeletša go tshokologo, e sego bakeng sa tebalelo ya dibe.”

²⁶⁵ Bjale, ba bangwe ba lena batho ba Oneness le tla go dikologa gomme—gomme le kolobetša goo, phošo. Le kolobeletša go, bakeng sa phološo. Meetse ga a phološe motho; ke Madi, tshokologo. E sego ka kolobetšo go mpshafatša. Aowa, mohlomphegi. Mpshafatšo e tla ka Moya. Kolobetšo ke—ke tlhagišo ya ka ntle ya modiro wa ka gare wa mpshafatšo woo o dirilwego. Le a bona? Go lokile. Hlokomelang.

²⁶⁶ O rile, “A le amogetše Moya wo Mokgethwa ge e sa le le dumetše?” Ba rile . . .

O rile, “Ga re tsebe ge eba go ne Moya wo Mokgethwa wo rilego.”

O rile, “Le kolobeditšwe bjang?”

Ba rile, “Re kolobeditšwe go Johane.”

²⁶⁷ O rile, “Johane ruri o kolobeleditše go tshokologo, go tshokologo, a bolela gore ‘le swanetše go dumela go Yena,’ Kwana, Sehlabelo se be se etla, go Morena Jesu Kriste.” Gomme ge ba kwele Se, ba kolobeditšwe gape Leineng la Jesu Kriste. Gomme Paulo o ba beile diatla gomme ba amogetše Moya wo Mokgethwa, gomme ba boletše ka maleme le go profeta.

²⁶⁸ Mpotšeng seo ga se Lengwalo, gomme le mpontšheng e ka ba kae, moo e ka ba mang a kilego a ke a kolobetšwa ka tsela ye nngwe ye e itšego ka go Testamente ye Mpsha eupša Leineng la Morena Jesu Kriste. Mpontšheng.

²⁶⁹ Mokgethwa Agabo le ba bantši, go bile le ba bangwe, ba ba kolobeditšwego go theoga go fihlela nakong ya—ya—ya Nicene Council, gomme yo mongwe le yo mongwe wa bona o kolobeditšwe Leineng la Jesu Kriste. Baromiwa ba hlagotše mašemo ka Leina la Jesu Kriste.

²⁷⁰ Eupša ge Nicene Council e etla, ba ile ba swanelo go ba le badimo ba bararo. Ba theošitše Paulo . . . goba ba theošitše Jupiter, gomme ba beile Paulo. Ba theošitše Venus, gomme ba beile Maria. Ba bile le mehuta yohle ya badimo, mehuta yohle ya bakgethwa le se sengwe le se sengwe gape, gomme ba dirile kolobetšo ya boboraro gomme ba e fepa go Maprotestant. Gomme ba sa e galampelela tlase.

²⁷¹ Eupša Dietša tša mantšiboa di tlide bjale. Moprefeta o rile, “Go tla ba Seetša nakong ya mantšiboa.”

Go tla—go tla ba Seetša nakong ya mantšiboa,
Tsela ya go ya Letagong nnete le tla e hwetša;
Ka tseleng ya meetse, seo ke Seetša lehono,
Go bolokwa ka Leina le bohlokwa la Jesu.

Baswa le babagolo, sokologang go dibe tša lena
tšohle,
Moya wo Mokgethwa ka nnete o tla tsena ka
gare;
Dietša tša mantšiboa di tlie,
Ke ntlha gore Modimo le Kriste ke Batee.

²⁷² A le dumela Seo? [Phuthego e re, “Amene.”—Mor.] Petro o rile, ka Letšatši la Pentecost, “Anke go tsebjie, go lena, ngwako wa Israele, gore Modimo o dirile Jesu yo wa go swana, Yo le mmapotšego, bobedi Morena le Kriste,” temana ya 16 ya tema ya 2. Ee. “Modimo o dirile Jesu yo wa go swana, Yo le mmapotšego, bobedi Morena le Kriste. Anke ngwako wohle wa Israele o tsebe, ka kgonthe.”

²⁷³ Ke boletše le Mojuda e se kgale botelele, godimo fa kua go House of David, o rile, “Lena Bantle le ka se ripe Modimo ka diripa tše tharo gomme la Mo fa Mojuda. Re tseba bokaone go feta seo.”

²⁷⁴ Ke rile, “Yeo e no ba yona, Rabi. Ga re ripe Modimo ka diripa tše tharo.” Ke rile, “O dumela baprofeta?”

O rile, “Nnete.”

Ke rile, “A o dumela Jesaya 9:6?”

O rile, “Ee.”

Ke rile, “Moprefeta o be a bolela ka mang?”

“Mesia.”

Ke rile, “Ke tswalano efe Mesia a tla bago le Modimo?”

A re, “O tla ba Modimo.”

Ke rile, “Yeo ke nnete.” Amene.

Le a bona, ke lena bao. Le a bona, le ka se Mo ripe ka diripa tše tharo.

²⁷⁵ Ge lena baromiwa fa... Yo mongwe wa bona o ya fa go Bajuda, ke a dumela, monna yo a dutšego *fa*. Le se tsoge la leka go fa Mojuda “Tate, Morwa, le Moya wo Mokgethwa.” O tla go botša ka pela thwi, o tseba moo e tšwago gona, “Nicene Council.” A ka se theetše yeo. Eupša o mo dira a bone moo Modimo yola a dirilwego nama, gomme ke Yena Modimo a nnoši a lego gona. Modimo, a dirilwe nama ka go sebopego sa motho gomme o phetše magareng ga rena, go re hlwekiša; go tloša, gore Yena Yenamong a ke a tle ka sebopego sa Moya wo Mokgethwa. Modimo, Tate, Moya wo Mokgethwa, ke Motho wa go swana.

²⁷⁶ Beibele e boletše ka go—ka go mašika a Jesu Kriste, ka go tema ya 1 ya Mateo, E rile, “Abraham o belege Isaka. Isaka o belege Jakobo.” Gomme go theoga, e rile, gomme morago ka go... Anke ke e bale, gomme morago bjale le tla tseba feela se ke bolelago ka sona. Mateo, tema ya 1. Gomme re tla... Bjale a re thomeng go temana ya 18.

Bjale matswalo a Jesu Kriste a bile ka tsela ye: Ge . . . mmagwe Maria a be a beeleditšwe ke Josefa, pele ba ka tla mmogo, o hweditšwe a ne ngwana wa . . .

²⁷⁷ “Modimo Tate”? A e balega ka tsela yeo? [Phuthego e re, “Aowa.”—Mor.] Hwetšwa le Ngwana wa Mang? [“Moya wo Mokgethwa.”] Mo . . . [Ga go selo go theipi.] Ke naganne Modimo Tate o be a le tate wa Gagwe? Gona, Modimo, Tate le Moya wo Mokgethwa, ke Moya wa go swana, goba O bile le botate ba babedi.

Kagona Josefa monnamogatša wa gagwe, a le motho wa go loka, . . . a se rate go mo goboša, o be a naganne . . . go mo tlogela sephiring.

Eupša ge a be a sa nagana ka dilo tše, bonang, morongwa wa Morena o banagetše go yena torong, a re, Josefa, wena morwa wa Dafida, se boife go . . . tše Maria mosadimogatša wa gago: gobane se a se imilego ka go yena ke sa . . .

²⁷⁸ “Modimo Tate”? Huh? [Phuthego e re, “Aowa. ‘Moya wo Mokgethwa.’”—Mor.] “Moya wo Mokgethwa.” Gona ke mang Tate wa Jesu Kriste? [“Moya wo Mokgethwa.”] Moya wo Mokgethwa. Ke eng Seo ka go lena? [“Moya wo Mokgethwa.”] Gabotse, woo ke Modimo, Tate, gape. A ga se Ona? [“Amene.”] Kgonthe.

Gomme o tla belega morwa, gomme o tla mo reela leina la JESU: . . .

²⁷⁹ Modimo Tate šo, Modimo Moya wo Mokgethwa šo, gomme Modimo Morwa šo, le a bona, bao ke Badimo ba bararo. Beibele ga e e bolele. Ba babedi ba ba swanetše go swana, goba O bile le botate ba babedi. Le a bona? A ka se kgone go ba le botate ba babedi. Le tseba seo.

Bjale, o tla belega morwa, gomme ba tla reela leina la gagwe JESU: gobane o tla phološa batho ba gagwe go tšwa dibeng tša bona.

Bjale se sohle se dirilwe, gore go ke go phethagale se se boletšwego ke Morena ka moprofeta, a re,

. . . kgarebe e tla ithwala, gomme e tla belega morwa, gomme ba tla reela leina la gagwe Imanuele, e lego ka tlhathollo, Modimo o na le rena.

²⁸⁰ Yeo ke tema ya 1 ya Mateo.

²⁸¹ Mateo 28:19, moo Jesu a rilego, “Eyং, kolobetšang Leineng la Tate, Morwa, le Moya wo Mokgethwa.” Leina la Tate, Morwa, Moya wo Mokgethwa ke eng? [Phuthego e re, “Jesu Kriste.”—Mor.] Jesu Kriste, ka nnete.

²⁸² O bala kanegelo ya lerato, e rile, “Johane le Maria ba phetše ba thabile ka mehla ka morago.” Johane le Maria ke bomang? Eya morago go mathomo a kanegelo, go hwetša.

²⁸³ Ge go se selo se sebjalo ka, ga go leina, “Tate, Morwa, goba Moya wo Mokgethwa,” gona ke Mang, ke Leina la Mang? Boela morago, mathomong a kanegelo, gomme o bone ke Mang A bolelago ka yena.

²⁸⁴ Petro, Letšatšing la Pentecost, o rile, “Sokologang, yo mongwe le yo mongwe wa lena, gomme le kolobetšwe Leineng la ‘Jesu Kriste’ bakeng sa tebalelo ya dibe.” O bile le kutollo.

Johane o bile le kutollo.

²⁸⁵ Jesu o be a le Kutollo, O itšweleditše Yenamong thwi fa ka Lengwalong, “Ke nna Yo a bilego, yo a lego, gomme a tla tlago, Ramaatlakamoka.” Fše! Go lokile.

²⁸⁶ Bjale, a re hwetšeng temana ya 7, thwi ka pela bjale, pele re eya ntle, feela ka pela ka mo re ka kgonago.

...Ramaatlakamoka.

...puš-...letago le pušo go ya go ile le go ile. Amene.

Gomme...o re dirile dikgoši le baprista go Modimo...Tate wa gagwe; gomme go yena go be letago le pušo go ya go ile le go ile. Amene.

²⁸⁷ Le bona kutollo yela bjale, ka fao E utollotšwego? Ka fao Modimo...Banna ba ngwaya dihlogo tša bona le go nganga moriri wa bona, le dilo, ba leka go hwetša se “Tate, Morwa, le Moya wo Mokgethwa” e lego, ba dira ba bararo, ka go o tee.

Se ngange moriri wa gago le go ngwaya hlogo ya gago. Nno lebelela godimo. Kutollo e tswa Godimo. Gomme yeo ke nnete. O tla utolla, ga se “Tate, Morwa, le Moya wo Mokgethwa.” Ke diofisi tše tharo tše Modimo o tee a phetšego ka go tšona.

²⁸⁸ E bile ka go ofisi, “Moya,” ka Yenamong, gobane motho o a kgobokana. Morago O itiretše Yenamong mmele, o phetše ka go ona, go tšweletša Madi a Gagwe Mong; e sego ka thobalano, boka go bile ka serapeng sa Edene, eupša go tšweletša mmele wa go hlolwa. Gomme ka mmele motswalwakekgarebe, O file Madi ao a re hlwekišitšego le go re bofolla go tloga go gosedumele, go dumela go Yena. Gona, re dira seo, re Mo amogela ka pelong ya rena, yoo ke Modimo ka go rena; Modimo: Tate, Morwa, le Moya wo Mokgethwa. Le a bona? Feel a bjalo ka Moprefeta, Moprista, le Kgoši, seo ke selo sa go swana. Go lokile.

²⁸⁹ Bjale, temana ya 7, ye ke tsebišo. Tsebišo ke:

Bonang, o tla ka maru; gomme leihlo le lengwe le le lengwe le tla mmona, ... le bona ba ba mo hlabilego: gomme yohle me meloko ya lefase e tla lla ka lebaka la gagwe.

²⁹⁰ Oo! Re ne nako ye ntši gakaakang? Se ke se sebotse fale. A le ka kgotlelela ye mengwe masometha-...metsotso ye masomepedi? [Phuthego e re, “Ee.”—Mor.] A le ka kgona? [“Amene.”] Go lokile. Bjale, gona, gosasa...Bošegong bjo, re tla

leka go swara ka moka ga *Pono ya Patimo*, bošegong bjo. Lehono, re ya go fetša go tsebišo.

²⁹¹ Oo! Le ikwela gabotse? [Phuthego e re, “Amene.”—Mor.] Le rata Beibele ye ya kgale? [“Amene.”] Ke Kutollo. Eng, ke eng? Modimo o obeletša fase, ka go Puku ye, gomme o apola lešira, o rile, “Yena šoo: Moprefeta, Moprista, Kgoši; Tate, Morwa, Moya wo Mokgethwa; Yo a bilego, a lego, gomme a tla tlago. Dilo tše tšohle, Ke Modimo.”

²⁹² Bjale, a re apoleng lešira, feela lebaka la metsots e se mekae bjale, Morena a re thuša, go apola lešira mahlong a rena. Gomme re hwetše . . .

Bonang, o tla ka maru; . . .

²⁹³ Bjale, O tla bjang? “Ka maru.” Ke mohuta ofe wa leri? Maru a letago. E sego le lengwe la magadima a, leri la pula, eupša maru a letago.

²⁹⁴ Le tla šetša ke mohuta ofe wa leri A bego a khupeditšwe ka go lona ge Petro le bona ba bone *Pono ya Gagwe Thabeng ya Phetogelo*, leri le Mo khupeditše. Seaparo ga gagwe se phadimile. O be a khupeditšwe ke leri, maatla a Modimo.

²⁹⁵ Oo, re tla go seo, godimo fa ka go mabaka a a kereke. Ke a le botša, e no—no tsikinya botengteng bja ka, go nagana ka yona. Se go tla ga *Gagwe* . . . Ke bona letšatši le leo re phelago, moo go sego selo, ga go kholofelo ye e šetšego eupša go Tla ga *Gagwe*.

²⁹⁶ Bjale ka pela re tla tla go se. Bjale elelwang.

. . . *leihlo le lengwe le le lengwe le tla mmona*, . . .

²⁹⁷ Bjale, yeo e be e se *Tlhatlogo*, gona. A e be e le? [Phuthego e re, “Aowa.”—Mor.] Le a bona? E be e se *Tlhatlogo*. E be e se *Tlhatlogo*. O be A bolela ka eng? Go Tla la bobedi.

. . . *gomme le bona ba ba mo hlabilego: gomme meloko yohle ya lefase e tla lla ka baka la gagwe*.

²⁹⁸ Bjale re tla ya morago le go hwetše histori tsoko. A re yeng morago go Sakaria, gomme re hwetše tema ya 12 ya Sakaria. Sakaria. Go lokile.

²⁹⁹ “Gomme Morena o okeditše go kereke tšatši ka tšatši bao ba tla phološwago.” Re leboga bjang bakeng sa kutollo ye botse ya Jesu Kriste! A ga la Mo thabela? [Phuthego e re, “Amene.”—Mor.] Bjale, re tla tliša se ka go sebopego sa puku feela ka pela ka moo re ka kgonago, go batho, gomme gona le ka ba le yona, go e bala ka go setu sa phaphuši ya gago le dilo, le go ithuta yona, wenamong. Go lokile.

³⁰⁰ Sakaria, Sakaria, tema ya 12 bjale ya Sakaria. Gomme re nyaka, go tše se kgontha ka thapelo bjale. Gomme ke nyaka go tliša se bakeng sa letago la Modimo. Bjale, Sakaria 12, a re thomeng go temana ya 9. Theetšang kgauswi bjale. O bolela ka go Tla. Sakaria 12, gomme re tla thoma go 9, ka go temana ya 9.

Gomme go tla direga . . .

Sakaria, a profeta, mengwaga ye makgolo a mane le masome a šupago pele ga go tla ga Kriste.

Gomme go tla direga mo letšatšing leo, gore Ke tla nyaka go fetšiša tšohle . . . ditšhaba tšeо di tlago kgahlanong le Jerusalema. (Naganang ka yona.)

Gomme ke tla tšhollela ntle godimo ga ngwako wa Dafida, le godimo ga baagi ba Jerusalema, moywa wa mogau le tlhokofalo: gomme ba tla lebelela go nna yo ba mo hlabilego, . . .

³⁰¹ Bjale, Ebangedi e boela neng go Bajuda? Ge letšatši la Bantle le fedile, Ebangedi e komana, go ya go Bajuda. Oo, nka kgona, ge nka kgona go no le bolelelapele se sengwe se sennyane seo se lokelago go direga thwi fa, le a bona, thwi mo letšatšing le. Le a bona? E lokela go direga. Re e hwetsa ka go Lebaka la Kereke. Gomme selo se segolo se se lokelago go direga, se tla fetela go Kutollo 11 le go tsea baprofeta bale ba babedi, Eliya le Moshe ba boela gape go Bajuda. Re komana bakeng sa yona. Se sengwe le se sengwe se dutše ka lenaneo, feela komana. Molaeša wa Bantle, bjalo ka ge Bajuda ba o tlišitše go Bantle, Bantle ba tla o iša thwi morago go Bajuda gape. Gomme Tlhatlogo e tla tla.

³⁰² Bjale elelwang, se fa se tlago, ka morago ga tlašego . . . Kereke ga e eye go kgabola Tlaišego. Re tseba seo. Beibele e bolela bjalo. Le a bona? Go lokile.

³⁰³ Bjale, O tla tšhollela ntle go ngwako wa Israele, (eng?) Moya wo Mokgethwa wa go swana, le a bona, ka morago ga ge Kereke ya Bantle e sepetše.

. . . gomme ba lebeletše go nna yo ba mo hlabilego, gomme ba tla mo llela, bjalo ka yena yoo a llelagoo morwa wa gagwe a nnoši, gomme ba tla ba mahlokong bakeng sa gagwe, bjalo ka yena yoo a lego mahlokong bakeng sa leitšibolo la gagwe.

Gomme letšatšing leo go tla ba le . . . sello se segolo ka Jerusalema, . . . le sello . . . ka—ka moeding wa Megido.

Gomme—gomme naga e tla lla, lapa le lengwe le le lengwe thoko; lapa la ngwako wa Dafida thoko, le . . . lapa la ngwako wa Nathane thoko, gomme wo mongwe le wo mongwe wa mengwako thoko; (ge ba bona, se se tla diregago, se se tla diragalago ge A etla ka maru a letago, mo go bonagaleng ga Gagwe la bobedi.)

³⁰⁴ Gomme ge Bajuda bale ba ba Mo hlabilego . . . Le a tseba, Lengwalo le lengwe le re ba tla Mmotšiša, O tšere kae dintho tše.

O rile, “Ngwakong wa mogwera wa Ka.”

³⁰⁵ Gomme e ka se be feela nako ya sello go Bajuda ba ba Mo gannego, bjalo ka Mesia, eupša e tla ba nako ya sello go bona

Bantle ba ba šaletšego morago fa, ba ba amogetšego...ba ba Mo gannego bjalo ka Mesia wa bona wa letšatši le. Ba tla be ba golola le go lla. Kgarebe ye e robetšego e tla be e golola. Yeo ke kereke yeo e gannego go hwetša Oli leboneng la yona. Go be go ne dikgarebe tše lesome di ilego ntle, bohole batho ba go loka, eupša ba bahlano ba bona ba bile le Oli ka malamping a bona. Ba bangwe ba bahlano ba be ba le batho ba go loka, batho ba go loka, eupša ba šitilwe go hwetša Oli malamping a bona. "Gomme ba lahletšwe ntle ka leswiswing moo go tla bago le go lla, go golola, le ditsikitlano tša meno."

³⁰⁶ Yona še, "Ba tla be ba golola." Beibele e boletše fa, "Ba tla be ba golola, le go robega pelo kudu, go fihlela ebile..."

³⁰⁷ Fa, ke tla le fa ye nngwe, Genesi 45, ge le nyaka go hwetša seo. A re tleng go yona feela nakwana gomme re bale seo gape ka go Genesi, te...ke a dumela, ya tema ya 45 ya Genesi. Ke tla rata go hwetša se fa, Josefa a itira yenamong a tsebje go batho ba gaboo—ba gaboo. Re tla hwetša se, fela go bontšha di—di dikai tša se se tla diragalago mo letšatšing leo, morago re tla di tlemaganya mmogo.

Kagona Josefa a se kgone go itshwara pele... bona bao ba emego hleng le yena; gomme o goeleditše, A dira motho yo mongwe le yo mongwe go sepela... go tloga go nna.

³⁰⁸ Bjale elelwang, Josefa, a itira yenamong a tsebje, o goeleditše, "Motho yo mongwe le yo mongwe tlogang pele ga ka."

Gomme ga se go eme motho le yena, ge Josefa a itira go tsebja go banababo.

Gomme o lletše godimo: gomme Baegepeta le ngwako wa Farao ba mo kwele. (O swanetše go be a goeleditše.)

Gomme Josefa o rile go banababo, Ke nna Josefa; a tate wa ka o sa phela? Gomme banababo ba se kgone go mo araba; gobane ba be ba tšošitšwe ke bogona bja gagwe.

Gomme Josefa o rile go banababo, Batamelang kgauswi...nna, ke a le rapela. Gomme ba batametše kgauswi. Gomme o rile, Ke nna Josefa ngwanabolena, yo...yo le yo—le mo rekišitšego ka Egepeta.

Bjale kagona le se nyame, goba la ipefeleta lenabeng, gore lena le nthekišitše fano: gobane Modimo o nthometše pele ga lena go boloka bophelo. (Oo, go botse bjang!)

Gobane mengwaga ye mebedi ye e...tlala e bile ka nageng: gomme...go yona go tla bago, go ka se be le tsebe goba puno.

Gomme Modimo o nthomile pele ga lena go le bolokela go ya go ile mo lefaseng, le go phološa maphelo a lena ka tlhakodišo ye kgolo.

³⁰⁹ Anke bjale ke no tsea bjale le go bapetša seo le Sakaria, ya 12, feela bakeng sa nakwana. Bjale, re tseba seo, ka sekai. Ge o ruta dikai, gona ka mehla o tla e nepa, ke a nagana, ka—ka sekai.

³¹⁰ Bjale, Josefa, ge a tswetšwe, o be a hloilwe ke banababo. A yeo ke nnete? [Phuthego e re, “Amene.”—Mor.] Bjale ke nyaka go le bontšha, Josefa o emetše Kereke ya go tlala Moya. Josefa o be a hloilwe ke banababo. Gobaneng? Gobane o be a le wa moya. Josefa o be a ka se kgone go thuša gobane o kgonne go bona pono. O be a sa kgone go thuša gobane o lorile ditoro, le a bona, gomme o kgonne go hlatholla ditoro. Yena, seo e be e le se se bego se le ka go yena. O be a sa kgone go pealatša e ka ba eng gape eupša se se bego se le ka go yena. Gabotse, gona, banabo ba mo hloile, ntle le lebaka. Eupša tatagwe o mo ratile, gobane tatagwe o be a le moprofeta.

³¹¹ Le a bona ka fao go bego go le ka Josefa? Modimo o ratile Morwa wa Gagwe. Eupša baena, Baifarasei le Basadutsei, ba Mo hloile, gobane O kgonne go fodiša balwetši, le go bolelela dilo pele, le go bona dipono, go hlatholla. Le bona se ke se rago? “Ba Mo hloile, ntle le lebaka.”

³¹² Gomme ba dirile eng go Josefa? Ba itirišitše o ka re o hwile, gomme ba mo lahletše ka mokoting. Ba tšere kobo ya madi, ya mebala ye e šupago, yeo tatagwe . . .

³¹³ Go na le feela mebala ye e šupago go molalatladi. Gomme molalatladi, re tseba eng, gore re tla go ona moragorago gannyane, ke a nagana, bosegong bjo. Molalatladi godimo ga Gagwe fa, Jesu, moo, “O ya go bogega bjalo ka letlapa la jaspere le saride, le molalatladi.” Molalatladi ke kgwerano.

³¹⁴ Gomme yeo e be e le kgwerano ya Modimo godimo ga Josefa. Gomme ba tloditše madi separong sa gagwe, gomme ba se iša morago go tate. Gomme o be a swanetše go be a hwile. Gomme . . .

³¹⁵ Eupša o ile a tsošetšwa ka ntle ga mokoti gomme o ile a bewa ka go se—se . . . rekišetšwa Farao, yo mongwe ka Egepeta, gomme mo—mo mogenerale o mo lotile. Gomme ge ba dirile, yena, selo se sempe se tlide kgahlanong le yena, gomme ba mo lahletše kgolegong. Gomme fao o profetile, gomme o boditše banna ba babedi moo o tee a tla yago le moo yo mongwe a tla yago; mothoki le mo—le moapei, ka lebaka la toro ya bona.

³¹⁶ Gomme o ile a phakgamišwa go tšwa fale, go seatla se setona sa Farao. Gomme ga go motho a kgonne go kgwatha Farao, feela ka Josefa. [Ga go selo go theipi—Mor.]

³¹⁷ Eng se. Bjale, mo . . . ge Josefa morago o rekišetšwe godimo ka go Baegepeta. Gomme, šetšang, se sengwe le se sengwe a se dirilego se kaile Kriste. Lebelelang mothoki yo le moapei yo ka fale, gomme bobedi ba bile le ditoro. Le Jesu, ge A be a le ngwakong wa Gagwe wa kgolegong. Elelwang, Josefa o be a le kgolegong. Gomme ge Jesu a be a le kgolegong ya Gagwe,

(bjang?) a kokotetšwe sefapanong, go bile le o motee a phološwa le o motee a lahlega. Josefa, ge a be a le kgolegong ya gagwe, o motee o phološitšwe, o motee a lahlega.

³¹⁸ Gomme hlokamelang. Gona ka morago ga ge Jesu a tlošitšwe sefapanong, O phagamišeditšwe ka Legodimong, gomme o dutše seatleng se setona sa Moya wo mogolo, Jehofa. “Ga go motho a ka tlago go Modimo ntle le ka Nna.” Ga go *Dumela Maria*, ga go šegofala *se goba šegofala sela*. Eupša, ka Jesu Kriste, “Mmoelanyi a nnoši a lego magareng ga Modimo le batho,” mmele wola wo bohlokwa woo Modimo a dutšego ka go ona, magareng ga rena, woo o tšerego Leina la Modimo. Gomme Modimo o tšere leina la motho. Modimo o tšere . . .

³¹⁹ Lebelelang fa. Mo mathomong, ge Adama . . . ke no se kgone go ya kgole go tloga go seo. Go bonala eke yo mongwe ga a E hwetsa, felotsoko. Lebelelang. Mo mathomong . . . Anke ke le bontšhe se sengwe gape. Moya wo Mokgethwa o ntshebotša go dira se. Ke tlogela thuto ya ka lebaka la motsotso. Ge ditaba tša mathomo di etla Letagong, gore morwa o be a lahlegile, Adama, a Modimo o rometše Morongwa? A O rometše morwa? A O rometše e ka ba mang gape? O tlie, Yenamong, go lopolla morwa wa Gagwe a lahlegilego. Haleluya! Modimo ga se a e neele motho eupša Yenamong. Modimo o dirilwe nama gomme o phetše magareng ga rena, gomme o lopolotše motho, Yenamong. Ke . . . “Re phološitšwe,” Beibele e rile, “ka Madi a Modimo.” Wa go hwa, Modimo o be a . . . Modimo wa go se hwe o ile a dirwa wa go hwa, gore a tloše sebe, go ba Kwana, Yenamong. go tsena ka Letagong, a širilwe, gomme ka Madi a Gagwe Mong pele ga Gagwe, mošola wa seširo.

³²⁰ Bjale, Josefa, o ya tlase ka Egepeta. Gomme fao o ile a phagamišwa go tloga kgolegong ya gagwe, go ya seatleng se setona sa Farao, gomme o dirilwe mohlokomed. Gomme se sengwe le se sengwe se atlegile matšatšing a Josefa.

³²¹ Bjale, ge Jesu a bowa, ebile le leganata le tla khukhuša boka rosa. Ke Yena Morwa wa katlego, sekai sa Josefa.

³²² Ba beile Josefa ka go . . . Mogenerale o bile le yena ka ngwakong wa gagwe; se sengwe le se sengwe a se dirilego, o atlegile. Ba mo lahletše kgolegong, gomme kgolego ka moka e atlegile. Se sengwe le se sengwe ba se dirilego, se atlegile. Gomme ge a phagamišeditšew, godimodimo, ga Farao, kgauswi le Farao, se sengwe le se sengwe ka Egepeta se atlegile go fetiša e ka ba eng ka lefaseng.

³²³ Ge A bowa, e tla ba naga ya katlego. Maganata a kgale a tla khukhuša, gomme go tla ba le dijo mogohle. Gomme re ka kgonia, yo mongwe le yo mongwe, go dula ka tlase ga mohlare wa rena beng wa mogo, gomme ra sega le go hlalala, le go phela go ya go ile Bogoneng bja Gagwe, ge A etla morago bjalo ka Kgoši.

³²⁴ O be a le Morwa wa motho, Mopropeta. Amene. O be a le Morwa wa motho, Sehlabelo, Moprista. Ke Yena morwa wa motho, bjalo ka Kgoši, Morwa wa Dafida a dutše teroneng ya bogoši bja Gagwe. Morwa wa motho, Yena o bo- . . . Modimo a bonagaditšwe bjalo ka Morwa wa motho. O theogela tlase le go ba motho, go tloša dibe lefaseng. O bile motho, bjalo ka Mopropeta. O bile motho, bjalo ka Moprista. O bile motho, bjalo ka Kgoši; Kgoši ya Legodimo, Kgoši ya bakgethwa, Kgoši ya Gosafelego; ka mehla o be a le Kgoši, ka mehla o tla ba Kgoši, Kgoši ya Gosafelego.

³²⁵ Bjale hlokamelang, gona, Josefa. Pele Josefa a eya pele, ba be ba swanetše go kwagatša phalafala, pele. Gomme batho ba goeeditše, "Thinyang letolo bakeng sa Josefa." Ga go kgathale se motho a bego a se dira, o be a rekiša setšweletšwa mo mokgotheng, ge phalafala e kwagaditšwe, o thintše letolo la gagwe. Motho o be a no ba komana go obeletša le go tsea tšelete ya gagwe, eupša o thintše letolo la gagwe, Josefa o be a etla. Oo! M- . . . mo—mo—mo moekiši o be a no ba komana go dira tiragalo ya gagwe, gomme o be a tla dira eng? O be a swanetše go emiša. "Josefa o etla." Phalafala e kwagaditšwe.

³²⁶ Le lengwe la matšatši a, se sengwe le se sengwe, ebile le nako, e tla ema tse. "Ge phalafala ya Modimo e tla kwagatšwa, gomme buhu ka go Kriste ba tla tsoga, gomme moso o sa Kagosafelego, go taga le bobotse." Se sengwe le se sengwe se tla thinya letolo. "Letolo le lengwe le le lengwe le tla thinya, gomme leleme le lengwe le le lengwe le tla ipolela go Yona."

Thoma bjale. "Dibe tsa batho ba bangwe di ya pele, dingwe di a latela."

³²⁷ Eupša bjale hlokamelang se se diregilego. Go letago bjang! Ge Josefa nako yeo . . . morago ga ge a nyetše Montle gomme a amogetše lapa, Efuraimi le Manase, barwa ba gagwe. A le lemogile bofelong? Ge Josefa . . . Jakobo o thomile go šegofatša Efuraime le Manase. Ge a thoma go bea diatla tsa gagwe, o beile Efuraimi go le letona, Manase go le letshadi, go tliša letsogo le letona go šegofatša yo mogolo. Eupša ge a thoma go rapela, diatla tsa gagwe di fapane, gomme o file yo monnyane tšegegofatšo ya seatla se setona sebakeng sa yo a bego a le ka seatleng se setona.

³²⁸ Gomme Josefa o rile, "E sego bjalo, Tate." O rile, "O beile tšegegofatšo go Manase sebakeng sa Efuraimi."

Gomme o rile, "Modimo o fapantshe seatla sa ka."

³²⁹ Eng? Go tšwa go Bajuda, yo mogolo, mohlaolwa wa pele wa Modimo, ka Sefapano go tla tšegegofatšo morago go Bantle, go hwetša Monyalwa. Tšegegofatšo e tla ka Sefapano, go tloga go Mojuda go ya go Montle. Ganne, ba ganne Sefapano, kagona O hweditše Monyalwa wa Montle.

³³⁰ Bjale ge Josefa, pele ga se, ge a be a... kwele ka banababo, ba... Ba be ba le ka ntle ga kopanelo lebaka la mengwaga ye mentši, Mojuda.

³³¹ Bjale šetšang. Re boela morago go Sakaria bjale, moo ba gololago, le go lla le go golola. Gomme ebole le malapa a tla arogana ka bowona go tloga go malapa a mangwe, ba ya ntle ba re, "Re e dirile bjang? Go kgonegile bjang gore re tsoge re e dirile?" Ge ba re, "Mabadi ao O a tšere kae, yona megogoma diatleng tša Gago?" ebole le bale bao ba Mo hlabilego. "O tla tla ka maru. Gomme ba tla Mmona, ebole le bale ba ba Mo hlabilego. Gomme ngwako wo mongwe le wo mongwe o tla lla, gomme ba tla golola." Ba ka se tsebe ba dire eng.

³³² Gomme ge Josefa... Le tseba kanegelo. Ge a bone banababo, gomme a dirile o ka re ga a kgone go bolela Sehereru, gomme a hwetša mohlatholli go mo hlathollela. Gomme ga se a kgone go bolela Seheberu, o itirile o ka re; eupša o be a nyaka go hwetša. Gomme kafao ge mafelelong, letšatši le lengwe, ge ba tlišitše ngwanabo yo monnyane, a le lemogile? E be e le Benyamini yoo a goteditšego soulo ya Josefa?

³³³ Ke eng, lehono, seo se yago go gotetša soulo ya Gagwe, Josefa wa rena, Jesu? Kereke yela ya boswa yela e bego e le tlase ka Iran mošola, yo a bolokilego melao ya Modimo. Gomme ke batho ba sa tšogo belegwa bao ba kgobokanago ka Palestina, gomme ba bušeditšwe morago gape. Naledi yela ya ntlha tše tshela ya Dafida, folaga ya kgalekgale lefaseng, setšhaba se tswetšwe mo mengwageng e se mekae ya go feta. Israele šeo.

Ditšhaba di a thubega, Israele e a tsoga,
Maswao ao Beibele e a boleletšegopele;
Matšatši a Bantle a badilwe, a rareditšwe ke
masetlapelo;
Boang, O bašwalalanywa, gabu lena beng.

Letšatši la topollo le kgaušwi,
Dipelo tša batho di palelwa ka letšhogo; (Nno
e lebelelang, bohole ba tlie mahlakanahlogo.)
Tlatšwang ka Moya, ebang le mabone a lena a
šišintšwe le go bonala,
Lebelelang godimo, topollo ya lena e kgaušwi.

Baprofeta ba maaka ba aketša, ba gana
Therešo ya Modimo,
Gore Jesu Kriste ke Modimo wa rena;
(Letago! Eupša Kutullo e tlie.)
Kafao re tla sepela moo baapostola ba gatilego,
(Thwi lefelong la bona la go swana.)

Gobane Letšatši la Topollo le kgaušwi,
Dipelo tša batho di palelwa ka letšhogo;

Tlatšwang ka Moya wa Modimo, ebang le
mabone a lena a šišintšwe le go bonala,
Lebelelang godimo, topollo ya lena e kgauswi.

³³⁴ Oo! Oo, Josefa, ge a bone Benyamini yo monnyane a eme fale! Yoo ke ngwanabobo yo monnyane. Le bona Benyamini yo monnyane bjale godimo . . . ? . . . godimo mošola, a dutše godimo fale? Meloko ya le—ya lefase, ya Bajuda, ba boetše morago fale moo go tla bago le dikete tše lekgolo masomenne nne tša bona ba eme fale, go amogela Kriste ge ba Mmona a Etla. Ba tla re, “Bonang, yo ke Modimo wa rena Yo re bego re mo letile.” Ka gona ba tla bona tša go hlabja . . . “A a tšwa kae?”

O rile, “Ngwakong wa mogwera wa Ka.”

³³⁵ Gomme ba tla golola gomme ba tla lla. Gomme lapa le lengwe le le lengwe, meloko ya bona ya Dafida le Nafutali le bohole, ba tla ikaroganya bonabeng, lapa le lengwe le le lengwe, gomme ba itelela bonabeng ge ba Mmona a eme sebakabakeng, Yena yo ba mo hlabilego.

³³⁶ Molaetša wa Gagwe e tla ba eng? Šetšang se Josefa a se boletšego. Ge a rile . . .

³³⁷ Šetšang selo se sengwe. Ge Josefa ge a tlišitše bana pele ga gagwe, o ba lebeletše, o bone Benyamini yo monnyane. O bone Efuraimi, o ba bone ka moka fale, Gada le bona bohole. Gomme meloko ye lesomepedi, meloko ye lesome nakong yeo, e eme pele ga gagwe. O ba bone ba eme bohole fale. O tsebile ba be ba le banababo. Gomme o lebeletše Benyamini yo monnyane, thwi, mogolo wa gagwe wa thoma go tlala. O ba tsebile e be e le babo. O rile eng? “Anke motho yo mongwe le yo mongwe a tloge.” Go diregileng ka mosadimogatša wa gagwe le bana? Ba ile ka paleising.

³³⁸ Kereke ya Bantle e ile kae Tlhatlogong? Ka Paleising. Monyalwa, Haleluya, Monyalwa o tla tlošwa lefaseng, ka Tlhatlogo. Ka gona ge A bowa, Monyalwa wa Gagwe ga a gona ge A itsebiša Yenamong go baena ba Gagwe, Bajuda, bale ba Mo hlabilego, bale ba Mo gannego.

³³⁹ Eupša mosadimogatša wa gagwe le baratwa ba gagwe, bagwera ba gagwe ba hlogo fale, badirišani ba gagwe—ba gagwe mong ba go romelwa ke Modimo ba bile ka tempeleng. Gomme ge a lebeletše, o rile ba be ba le . . . Ga se ba tseba. Ba rile, “Oo, mokgoma yo mogolo yo!” Ba thoma go re, yo motee go yo mongwe, oo, ka ga dilo tše tša tše ba di dirilego.

³⁴⁰ Ke a dumela e bile Efuraimi, goba e sego Efuraimi, eupša ke lebetše ke ofe a bilego bjale, yoo—yoo a rilego, “Gabotse, re be re se ra swanela go ba re bolaile ngwanaborena, Josefa.” O rile, “Le a bona, re lefelwa morago.” Rubene, Rubene o rile, “Re be re se ra swanela go ba re bolaile ngwanaborena,” o rile, “gobane, le a bona, re lefelwa morago go se re se dirilego.”

³⁴¹ Gomme Josefa a eme fale; ba be ba sa nagane o kgona go kwešiša Seheberu. Eupša o se tsebile.

³⁴² Ba bangwe ba nagana, ga a kgone go bolela... kwešiša go bolela ka maleme, eupša O tseba tšohle ka ga ona. Ya, O a tseba. Mmušo wa Bantle o tsena ka go bolela ka maleme le ditlhathollo, ka go hlogo ya gauta (hlogo ya mathomo) pele o ewa. Ke eng e fedisišego lebaka lela la Bantle la mathomo? Mongwalo wa seatla wa maleme a sa tsebjego lebotong, gomme monna fale o kgonne go o hlatholla le go bolela e be e le eng. O fela ka tsela ya go swana. Amene. O tsena gomme o tšwa ka tsela ya go swana.

³⁴³ Ba naganne ga a kgone go kwešiša ona maleme ao ba bego ba a bolela, eupša o le tsebile. Ba rile, “Le bona se re se hweditšego?”

Gomme Josefa nako yeo o bone ba be ba itshola go se ba bego ba se dirile.

³⁴⁴ Bjale O bona manyami a bona le boitsholo go Mo ganeng, kafao O a kgamega mogolong wa Gagwe bjale. O komana go lokolla Kereke ya Gagwe go tloga lefaseng, go Mo iša Letagong. Morago a bowe, gomme morago meloko yohle ya lefase e tla lla.

³⁴⁵ Ba dirile eng? Rubene, bohole ba bona, ba thoma go lla, ba rile, “Oo! Oo!” Ba boifile gomme ba rile, “Yo ke yena. Bjale re a tseba re tlo di orela. Bjale o tlo re bolaya. Bjale o... Re a tseba gore re ya go fediswa gonabjale, gobane yoo ke Josefa yoo a bego a le kgole le rena botelele kudu. Yoo ke Josefa, ngwanaborena, bjale ka kgonthre re tlo di orela.”

³⁴⁶ O rile, “Le se ipefelele lenabeng. Modimo o dirile se go boloka bophelo.”

³⁴⁷ Modimo o dirile eng? Gobaneng Bajuda ba ganne Jesu? Gore rena Bantle, go, gore, batho bao A ba bileditšego ntle bakeng sa Leina la Gagwe, Modimo o e dirile go boloka bophelo bja Kereke ya Bantle, Monyalwa.

³⁴⁸ Meloko yohle ba ba Mo ganne ba tla lla. Ba tla iphihla bonabeng ka magoleng, le ka maswikeng, le dilo, ba re, “Re fihleng, re weleng, dithaba.” Ba O ganne, Ŷena. Meloko yohle ya lefase e tla golola ka lebaka la Gagwe. Gomme lapa le lengwe le le lengwe ka Israele fale ba tla ikaroganya bonabeng. Malapa a tla arogana, letee go tloga go le lengwe, gomme ba re, “Gobaneng re e dirile? Go tlile bjale re Mo gane? Bjang? Yena šole o eme. Modimo Yo re bego re mo letile šole. Gomme Yena šole, ka mabadi a dipikiri diatleng tša Gagwe, gomme re e dirile.”

³⁴⁹ Seo ke tlwa se bona baena ba se boletšego thwi tlase fale, ge ba etla morago gomme ba rile, “Josefa šole, yo re mo rekišitšego.”

O rile, “Ke nna Josefa, ngwanabolena, yo le mo rekišitšego ka Egepeta.”

³⁵⁰ “Oo!” Ba be ba tšhogile. Gomme ba be ba lla le go gotla, gomme ba kitimelana, “Re ka dira eng?”

³⁵¹ O rile, “Le se befelwe ka go lenabeng, gobane Modimo o dirile se sohle. Modimo o nthometše pele.”

³⁵² Modimo o hlotše batho bohle; bathobašweu, bathobaso, bathobatshotho, bathobaserolwana, motho yo mongwe le yo mongwe. Modimo o hlotše motho yo mongwe le yo mongwe. O hlotše Montle, o hlotše Mojuda. O hlotše bohle. Yohle e bakeng sa letago la Gagwe. Gomme Bajuda ba ile ba swanela go ganwa gore a tšee Monyalwa wa Montle.

³⁵³ Ke ka lebaka leo mehuta ka moka e lego. Kafao Monyalwa wa Montle le bana ba Gagwe le Yena, Kereke yela ya letago ya pentecostal e hlatswitšwe Mading a Kwana, ka maatla ohle a tsogo a phela ka go bona, ba tla tsoga letšatši le lengwe ka Tlhatlogong (ka nakwana, ka panya ya leihlo) go ya go beng ka Bogoneng bja Jesu, ge A bowa morago (le go raka se sengwe le se sengwe) go itsebiša Yenamong go baena ba Gagwe.

³⁵⁴ Šetšang se Lengwalo le se bolelagó fa, go tswaleleng. Oo!

Bonang, o tla ka maru; gomme leihlo le lengwe le le lengwe le tla mmona, (bjale o bolela ka ga go Tla la bobedi, e sego Tlhatlogo), gomme le bona ba ba mo hlabilégo: . . .

³⁵⁵ Tema ya 7, temana ya 1 . . . Goba, temana ya 7 ya tema ya 1.

. . . leihlo le lengwe le le lengwe le tlo mmona, gomme le bona ba ba mo hlabilégo: gomme meloko yohle ya lefase e tla golola ka lebaka la gagwe. Go le bjalo, Amene.

³⁵⁶ Ka gona O fa setsopolwa sela se segolo. Ke mang Yo? Ke mang Yo ba tla yago go mo lebelela?

Ke nna Alefa le Omega, Ke nna A le Z, (A le Z ya Segerike, alfabete ya Segerike) . . .

³⁵⁷ Ditiro 2:36, mo . . . Petro o rile, “Go go leina le lengwe ka tlase ga Legodimo leo ka lona batho ba tla phološwago.” Goba, aowa, ke kgopela tshwarelo; go se e tsopole gabotse. O rile, “Anke ngwako ohle wa Israele kgonthe o tsebe, gore Modimo o dirile Jesu yo wa go swana, yo le mmapotšego, bobedi Morena le Kriste.”

³⁵⁸ Johane 14:7 le 12, Tomase o rile, “Morena, re bontšhe Tate, gomme go tla re kgotsofatša.”

³⁵⁹ O rile, “Ke bile le lena kgale kudu, gomme ga o ntsebe?” O rile, “Yo a Mponego o bone Tate. Gobaneng o re, ‘Ntaetše Tate?’ Nna le Tate wa Ka re Batee.”

³⁶⁰ Ke boletše seo go motho nako ye nngwe. Mohumagadi o rile, “Feeela motsotsa, Mna. Branham.” O rile, “Wena le mosadimogatša wa gago le batee, le lena.”

Ke rile, “Eupša e sego mohuta woo.”

O rile, “Ke kgopela tshwarelo.”

Ke rile, “A o a mpona?”

O rile, “Ke a dira.”

Ke rile, “O bona mosadimogatša wa ka?”

A re, “Aowa.”

³⁶¹ Ke rile, “Gona, ke bona mohuta wa go fapano. O rile, ‘Ge o Mpona, o bone Tate.’” Kafao seo e bile go lekanelo go seo.

³⁶² Kafao ka go Mokgethwa Johane, goba Johane wa Pele 5:7 go ya go 8, lena bohole le e ngwalago. Johane wa Pele 5:7 go ya go 8, Beibebe e boletše. Seboledi, yena monna wa go swana yoo a ngwadilego Kutollo ye yeo Jesu a m fago, o rile, “Go ne ba bararo ba rwelego bohlatse Legodimong: Tate, Lentšu (Lentšu ke Morwa) . . . Tate, Lentšu, le Moya wo Mokgethwa, gomme ba bararo ba ke o tee. Go ne ba bararo ba ba rwelego bohlatse lefaseng: meetse, Madi, le Moya, gomme ba a dumelelana; ga se batee, eupša ba dumelelana ka go setee.”

³⁶³ O ka se be le Tate ntle le go ba le Morwa. O ka se be le Tate goba Morwa ntle le go ba le Moya wo Mokgethwa. Nnete. Eupša o . . . Gomme meetse, Madi, le Moya, tšeо ke dielemente go di tšeago go tsena ka Mmeleng wa Gagwe.

³⁶⁴ Ge tswalo ya tlhago e direga, ke eng selo sa mathomo se diregago ge mosadi a belega lesea? Selo sa mathomo, ke meetse. Selo sa bobedi, ke madi. Yeo ke nnete? Selo sa go latela, ke moy. Lesea le swara mohemo wa lona, le thoma go hema. Meetse, madi, le moy, tšeо di hlamil tswalo ya tlhago.

³⁶⁵ Gape, Tswalo ya semoya. Kolobetšo ya meetse Leineng la Jesu Kriste; tokafatšo ka tumelo, go dumeleng go Morena Jesu Kriste. Meetse! Ke eng sa go latela? Madi; tlhwekišo, go hlwekiša, go mo ntšhetša ntle.

³⁶⁶ Fao ke moo lena batho ba Nazarene le šitilwego; le nno ya bokgole bjola gomme la se sa ya felo. Sebjana se se hlwekišitšwego mo aletareng, komana bakeng sa go šomišwa, eupša ga se šomišwe. “Ba lehlogenolo ke bona,” mahlogenolo, “bao ba swerwego ke tlala le go nyorela toko, gobane ba tla tlatšwa.” Sebjana se hlwekišitšwe. Yeo ke therešo.

³⁶⁷ Seo se bjalo ka kgarebe. Lentšu *kgarebe* le ra, “go sekega, bokgethwa, go seotswafale, go hlweka.” Ba bahlano ba bile le oli, gomme ba bahlano ga se nke; ba bahlano ba tladitswe, gomme ba bangwe bale ba nno dula ka go tlhwekišo. “A le amogetše Moya wo Mokgethwa *ge e sa le le dumetše*,” lena Mabaptist, Mapresbyterian?

“Ga re tsebe ge eba go na Moya wo Mokgethwa wo itšego.”

“Gona, le kolobeditšwe bjang?” Uh-huh.

³⁶⁸ Ka morago ga ge a beile diatla godimo ga bona, ba be ba le nakong yeo, morago go go phološwa le go hlwekišwa, ba ile ba tlatšwa ka Moya wo Mokgethwa. Nnete.

³⁶⁹ Meetse, Madi, Moya! Jesu o tla go hlatswa le go hlwekiša, le go hlwekiša Kereke, gore a tle go dula ka go yona. Ka Madi a Gagwe Mong; O neetše Madi a Gagwe Mong a go tswalwa ke Modimo, gore A ke a re hlwekiše go tšwa tswalong ya rena ya thobalano, le go re fa sa go hlwekišwa, sebjana se sekgethwa seo Yena Yenamong a tla tlago.

³⁷⁰ “Sebaka se sennyane, gomme lefase ga le sa Mpona gape; efela le tla Mpona gobane Nna,” lešalašala, “ke tla ba le lena, ebole ka go lena, go fihla bofelong bja phethego.” Amene. “Tsela yohle go kgabola, Ke tla ba le lena le ka go lena. Mediro yeo Ke e dirago le tla e dira le lena. Maswao a a tla latela bona bao ba dumelago.” Modimo ka Kerekeng! Oo, nna! Bomodimo! “Go ne ba bararo bao ba rwelego bohlatse Legodimong: Tate, Lentšu (Morwa), Moya wo Mokgethwa. Bona ke Batee.”

³⁷¹ Bjale, o ka phološwa ntle le go hlwekišwa. O ka hlwekišwa gomme wa se be le Moya wo Mokgethwa; nnete, moya wa go hlekišwa, ntle le go tlatšwa. Go hlwekiša pelo ya gago, go hlwekiša pelo ya gago, ntle le go e tlatša ka se sengwe. Seo ke se A se boletsego, “Ge moya wa ditšhila o etšwa mothong, o sepela mafelong a a omilego. O bowa morago, o hwetša ntlo ya gagwe e swietšwe gohle, gomme o tsena ka gare. Seemo sa mafelelo sa mothro yoo se makga a mantši, makga a šupago, gampe go feta go bile mathomong.”

³⁷² Seo ke se se diregilego go lena Pilgrim Holiness, Manazarene, le go ya pele. Le amogetše. Gomme ge Moya wo Mokgethwa o etla, le thoma go bolela ka maleme, le go fa maswao le matete, le o biditše “diabolo” gomme la rogaka mediro ya Modimo, la o bitša “selo sa ditšhila.” Gomme le bona moo kereke ya lena e ilego? Tšwang go yona! Iri e fa, Kutollo ya Jesu Kriste e a rutwa, Modimo a utollotšwe maatleng a dipontšho tša Gagwe tša Moya wo Mokgethwa. Amene. Letšatši la topollo le kgauswi.

³⁷³ Bjale, Bomodimo ka go Yena, Timotheo wa Pele 3:16.

... ntle le ngangišano sephiri se sa bomodimo ke se segolo: gobane Modimo o bonagaditšwe nameng, ...
o bonwe ke barongwa, ... o dumetšwe ka lefaseng, o amogetšwe godimo ka letagong.

³⁷⁴ Oo, feela pele le pele le pele. Eupša re mo kae? Mo bofelong bja temana ya 8.

³⁷⁵ Bošegong bjo re thoma ka te-te temana ya 9, *Pono ya Patimo*. Oo, go ne dilo tše kgolo re di boloketšwego. A le a Mo rata? [Phuthego e re, “Amene.”—Mor.]

Ke a Mo rata, ke a Mo rata
Gobane O nthatile pele
Gomme a lefela phološo ya ka
Godimo ga mohlare wa Khalibari.

³⁷⁶ Ka kgonthé le dira seo? A Modimo o itsebišitše Yenamong go wena, a utolotšwe gore ke Yena Morwa wa Modimo, Jesu Kriste, Modimo a bonagaditšwe nameng, go tloša dibe? O a ikutolla Yenamong mo matšatšing a a mafelelo ka dikerekeng tša Gagwe, a itira go tsebja Yenamong.

³⁷⁷ Bjale, tšona dilo tše tseo di kgatlampanganago ka Kerekeng, šetšang le bone, mo bofelong bja Molaetša wo, gore ge eba Beibele ga e bolele dilo tše di swanetše go direga, fela tlwa. Bonang ge eba ga se ba dire tlwa, ka go Lebaka la Efeso, le la Peregamo, Thiathira, go theoga, lebaka le lengwe le le lengwe.

³⁷⁸ Boletše ka fao Luther a tla dirago, le ka fao Wesley a tla dirago. Le ka fao kereke ya leina ye ya Pentecostal e tla yago ka go Laodikia, seemo sa bolelo, eupša, mo magareng ga seo, O tla goga batho. Yeo ke mnete. Yeo ke tlwa. Re mo bofelong. Oo, ke thakgetše kudu! Gomme, oo, bjalo ka ge ke ipone nnamong ke šwahlile, le go lebelela go bagwera ba ka le dilo, le go bona lefase le—le tlhakatlhakano yeo le lego ka go yona, gomme gona ka nagana ka go Tla ga Morena go batametše kgauswi. Re mo bofelong bja lebaka.

³⁷⁹ Dipelo tša batho di palelwa ka letšhogo. Mogohle, mang le mang, go a boifiša mo seyalemoyeng, nako yohle, “Ebang komana bakeng sa tlhaselo ya sebakabakeng. Tšeelang *se ka* gare, tšeelang *sel a ka* gare, gomme le theogeleng lebatong la ka tlase.” Le ya go ikuta bjang go sela? Le ka se kgone go ikuta go seo. Gabotse, selo sela se tla ya kgato tše lekgolo le masometlhano ka mobung, lebaka la dimaele tše lekgolo le masometlhano, sekwere. Gobaneng, go thulana ga sona go tla . . . Ge se ka betha fa, se tla šikinyetša Indianapolis mobung. Gobaneng, se tla no thuthupiša Indianapolis ka ditshetlana, go betha thwi fa ka Louisville, le a bona, ye nngwe ya tše. Go thata go bolela se ba se swerego ntle le seo.

³⁸⁰ Gomme, lebelelang, ga la swanela go . . . Le a tseba, Russia ga ya swanela go dira seo. Cuba e ka kgona go dira seo. Gomme lefelo le lennyane nthatana, le—le lefelo le lennyane nthatana la bogolo bja Alcatraz mošola kua, le ka e dira, la khupetša lefase ka moka. Selo se nnoši le swanetšego go se dira ke go go mo lokologanya le go goga lethala le letee. Ga le hloke sešole. Le no hloka lehlanya le letee go e dira, ka diatleng tša diabolo. Seo ke nnete tlwa. O tla e dira, gomme morago selo ka moka se fedile. Go fedile gohle nako yeo.

³⁸¹ Eupša, oo, anke ke le fe selo se sa go šegofala. Ge re bona seo kgauswi kudu, ge re bona gore go ka direga pele ga mosong. Elelwang, Kereke e ya gae pele ga ge seo se direga. Tlhatlgo e direga pele.

³⁸² Bjale, gore le se ke la hlakahlekanywa, elelwang, Jesu o rile, “Bjalo ka ge go bile matšatšing a Noage, bjalo ka ge go bile matšatšing a Lota.” Elelwang, pele pula e ka ba efe e rotha,

Noage o be a le ka arekeng. Le a bona? Noage o be a le ka arekeng. O ile a tseelwa mošola, ka se. Gomme bjale, Noage o be a le sekai sa Mojuda. Eupša Henoge o ile gae ntle le go hwa. Gomme ge Noage a bone Henoge a sepela, o tsebile e be e le nako, a thomiša go areka yela. Yeo ke nnete. Leo e be e le leswao la Noage, ge Henoge a ile gae. Gomme ka bjako ge Kereke ya Bantle e tlošitšwe, nako yeo O itsebiša Yenamong go Israele. Le a bona? Yeo ke nnete.

³⁸³ Elelwang, mo matšatšing a Lota, bjalo ka ge Jesu a boletše, pele tlhasana e tee ya mollo e ka tsoge ya betha lefase, Morongwa yola o rile, “Akgofang. Potlakang. Etšwang fa, gobane ga Ke kgone go dira selo go fihlela wena o tlide fano.” Pele mollo e ka ba ofe o betha, Lota le lapa la gagwe ba be ba tšwile gomme ba sepetše. Kafao, Tlhatlogo e tla tla pele ga ge Tlaišego e thoma.

³⁸⁴ Tlaišego, batho ba bantsi ba a di hlakahlekanya. Re tla e otlolla, bekeng ye, Morena ge a rata, ka thušo ya Morena. Elelwang, le lebeletše bakeng sa Sekgao se segolo sa Tlaišego, seo e bile, ge le ka kaya seo ka Beibeleng, bjoo e bile matšatši a Matshwenyego a Jakobo, le a bona, ge a be a tshwenyegile. Seo ga se se be le selo go dira le Bantle. Montle ga a ne selo go dira le yona. Ga go sekai ka Beibeleng go seo. Kereke ya Bantle e Hlatlošitšwe.

³⁸⁵ Gomme le beletše go “meetse go fetoga madi,” le dilo boka tseo. Seo se tla godimo go Israele gape, morago mošola le Moshe le Eliya, ge ba bowa. Eliya, lekga la bone, o bowa morago ka moya. Ga go wa bale yo a hwilego.

³⁸⁶ Goba, mo... Moshe o hwile; ga ba tsebe moo ba mmolokilego. O be a tlamegile go tsoga felotsoko magareng ga fa le fale, gobane, mo Thabeng ya Tagafalo, o be a le fale, a bolela le Jesu. A ga se a? [Phuthego e re, “Amene.”—Mor.] Le a bona?

³⁸⁷ Kafao ba tla bowa morago le go bolawa, gomme ba robala mo mokgotheng wa semoya o bitšwago “Sodoma,” moo Morena wa rena a bapotšwego, Jerusalema. Ba tla be ba rerela Bajuda, le go otla lefase, le go tswalela magodimo, le go ya pele ka mokgwa woo. Gomme bofelo bja bodiredi bja Bantle bo tla fetela mošola gomme bja gahlana le bjoo, gomme Bantle ba tla ya gae, gomme bodiredi bjoo bo tla ya pele. Go tla ba le tshenyego ya dilo tšohle. Peditharo ya lefase e wele, le se sengwe le se sengwe gape. Ge yona mebele ye e hwilego e robetše mekgotheng, matšatši a mararo, šetšang e be e le mohuta ofe.

³⁸⁸ Lebelelang diswantšho tše ke di hweditšego go tšwa Amerika Borwa, ge ba bolaile moromiwa yola wa Mopentecostal fale, mosadimogatša wa gagwe, ba robetše mokgotheng, le yena le bana ba babedi ba bannyane. Mosetsana yo monnyane, gomme dimpa tša gagwe tše dinnyane di rurugile ka mokgwa *woo*. Ebile ga se ba ba boloka. Ba itshepeletše, ba ba tshwela fale

ka mokgwa woo, lebaka la matšatši a mararo goba a mane. Ngwanešu Kopp o tšere seswantšho. Ke di swere kua gae, le a bona, ka tsela ye ba dirago.

³⁸⁹ Morago ba romelana dimpho, seng sa bona. Bonang ka fao seo se kayago ka Beibeleng, le bona se kereke e yago go dira seo. Yeo ke nnete, e batametše thwi, gomme e sepela thwi ka gare boka noga gonabjale, feela bogarigari ka fao e ka bago, leswao la dilo gonabjale.

³⁹⁰ Lebelelang seprofeto Morena a mphilego ka '33, ka fao go tla diregago, "Ba tla dumela basadi go bouta. Go bouteng, ba tla kgetha motho wa go fošagala." Dilo tše šupago di filwe, gomme tše tlhano tša tšona šetše di diragetše. Selo sa go latela e bile mosadi yo mogolo, kereke, maatla goba se sengwe, se tla thopa United States, go buša. Morago ke bone e no ba boka melora, e robetše, moo e tlago bofelong. E be e le nako ya bofelo.

³⁹¹ E rile, "Ba tla ba le motšhene wo o tla otleLAGO. Ba be ba se ba swanelo go ba le mootledi go o otleLA." Ba nno o phethagatša. E rile, mengwaga ye lesometee . . .

³⁹² Moya wo Mokgethwa o boletše le nna. Yona šela mo lephepheng. Le ka se . . . E ka se ganetšwe. Yona šela mo lephepheng, bjalo ka ge Moya wo Mokgethwa o boletše.

³⁹³ Mengwaga ye lesometee pele Maginot Line e agwa, ke rile, "Majeremane . . . Amerika e tla no . . . Mopresidente Roosevelt o tla ba mogarigari wa bona bohole." Gomme seo ke nnete. O bile.

³⁹⁴ E se go gobatša maikutlo a lena Mademocrats, eupša ke—ke a le botša. Ga se Modemocrat goba Morepublican bjale. Ke Jesu Kriste, Morwa wa Modimo, yoo re boleLAGO ka yena. Ga ke Modemocrat goba Morepublican. Ke nna Mokriste. Kafao gona, bona, e ka ba eng e bilego, eupša le a lemoga fale.

³⁹⁵ Gomme lebelelang fa, letšatši le lengwe, ge le nyaka go bona ke sehlopha sefe sa magwaragwara seo se lego. Go tšeeng metšhene yela le go e lokiša, moo, nako le nako ge le tla boutela Mna. Nixon, le swanetše go boutela moisa yo yo mongwe, ka nako e tee. Ed- . . . J. Edgar Hoover o gogetše metšhene ntle. Ke ba bakae ba bego ba e bala? Gobaneng, kgonthe, e gohlegohle dipampiri ka moka, ditaba, le se sengwe le se sengwe gape. Le bona moo re lego?

³⁹⁶ Ga se gona se se sa botegago gape eupša Kriste. Amene. Oo, Puku yela ya kgale ya go šegofala! Yeo ke Yona. Yeo ke Yona e nnoši yeo e le botša ke lena bomang, moo le tšwago gona, le mo le yago gona (Ee, mohlomphegi.), ke Puku ye ya kgale ya go šegofale, oo, seo se ntira ke Mo rate. A ga e le dire? [Phuthego e re, "Amene."—Mor.]

Tumelo go Tate, tumelo go Morwa,
 Tumelo go Moya wo Mokgethwa, ba bararo ba
 ke Batee;
 Matimone a tla thothomela, gomme badiradibe
 ba phafoga;
 Tumelo go Jehofa e dira e ka ba eng e šikinyege.

³⁹⁷ Amene. A letšatši le legolo pele ga rena, bagwera! “Kutollo ya Jesu Kriste yeo Modimo a e filego morongwa wa Gagwe, gomme a tla a e bonagatša go Johane, gore e tsebje go kgabola Mabaka a Kereke, selo seo re se boloketšwego.”

³⁹⁸ Anke Morena a re šegofatše bjale, ge re ema ka maoto a rena. Gomme e ka ba mang yo a ralokago piano, re fe khote ye nnyane ge o kgona, *Tšea Leina La Jesu Le Wena*.

³⁹⁹ Bjale theetšang. Go na le, ga go pelaelo, go na le basetsebje fa magareng ga rena ka tabarenekeleng mosong wo. Ke nyaka le šikinye diatla tša bona. Ba memeng, eyang gae le bona, le eng gape. Gomme le dire yo mongwe le yo mongwe go amogelega. Ke nyaka yo mongwe le yo mongwe go ba le kgonthe go dira seo.

⁴⁰⁰ Gomme elelwang tirelo e tla thoma ka iri ya bošupa, bošegong bjo. Gomme ka seripagare sa bošupa, ke tla bolela *Pono Mo Patimo*. Gosasa bošego, Morena ge a rata, ke tla bolela ka lebaka la mathomo la kereke, Efeso, la Lebaka la Kereke.

⁴⁰¹ Bjale re ya go opela *Tšea Leina La Jesu Le Wena*, pina ya rena ya tabarenekele ye nnyane ya go phatlatalatša. Gomme anke yo mongwe le yo mongwe a opele bjale. Go lokile.

Tšea Leina la Jesu le wena,
 Ngwana wa mahloko le madimabe;
 Le tla go fa thabo le khomotšo,
 Le tšee gohle mo o yago.

Leina le bohlokwa, O bose bjang!
 Kholofelo ya lefase le thabo ya Legodimo;
 Leina le bohlokwa, Leina le bohlokwa, O bose
 bjang!
 Kholofelo ya lefase le thabo ya Legodimo.

⁴⁰² Bjale pele re opela temana ya go latela, ke nyaka Mamethodist, Mabaptist, Mapentecostal, Makatoliki, Nazarene, Pilgrim Holiness, bohole go no obeletša tikologong, go šikinya diatla le yo mongwe pele ga gago, ka lehlakoreng la gago, ka morago ga gago, o re, “Mokriste wa moeti, mogwera, ke thakgetše go ba le wena mosong wo. Ke thakgetše go kopanela le wena, go dikologa dilo tša Modimo. Ke a tseba re bile le nako ye kgolo. Ke holofela go go bona fa gape bošegong bjo.” Se sengwe boka seo, ge le šikinya diatla le batho, pele ga gago, morago ga gago, go go dikologa.

Leineng la Jesu go a inangwa,

Go go bona bošegong bjo, Ngwanešu Neville. Go go bona bošegong bjo.

. . . maoto,
Kgoši ya dikgoši, Legodimong, re tla Mo rweša
korone,

Ge leeto la rena le fedile.

Oo Leina le bohlokwa, Oo le bose bjang!

Kholofelo ya lefase le thabo ya Legodimo;

Leina le bohlokwa, O bose bjang!

Kholofelo ya lefase le thabo ya Legodimo.

Go fihla re kopana! go fihla re kopana!

Go fihla re kopana maotong a Jesu; (go fihla re
kopana,)

Go fihla re kopana! go fihla re kopana!

Modimo a be le lena go fihla re kopana gape!

Bjale ge re inamiša hlogo tša rena:

Go fihla re kopana! go fihla re kopana!



KUTOLLO YA JESU KRISTE NST60-1204M
(The Revelation Of Jesus Christ)
TATELANO KA KUTOLLO YA JESU KRISTE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Desemere 4, 1960, Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org